



吳邁叢書之一

文集

許世英題



HL 849





吳 邁 先 生 肖 像

#858.9

序 言

新中華民國著作界的流行病，每一東拚西湊的刊物出世，總有幾個達官顯宦的序文，惹起崇拜偶像的先生們注意。

我不是達官，並且是個見着今日的達官，就無福消受，要作三日嘔的賤骨頭。胆如斗大，心如火熱的吳邁先生其文集編成，公然降心光顧，問序於予，這是多麼奇怪？！不由得我這鄉下人，不受寵若驚！

唉！看看內容聆一聆教罷！好一個辣氣薰鼻啊！好一個砲聲震耳啊！弄得我時而要泣，時而要歌，時而拍桌大叫，時而頓足狂呼，吳先生！你從那裏取得來的東西，害得我要瘋狂似的呢？！

哦！得了！我記得我小時在八股老先生，門下讀子曰詩云的時節，什麼誠能感物啊！什麼文能動人啊！這一派的話，雖聽得很多，確因兌現很少，不大相信。現在被吳先生的大作，把我弄得涕笑舞蹈，失掉自主，想是吳先生的文字，出于精誠，把我感動。假使八股老先生們，在天有靈？也要笑嘻嘻的說：劉某！如何呢？何如呢？

好罷！我是一個十足的頑固人，無論你是什麼外表闊綽的東西，明白點說，一般口堯舜而心市井的東西，我是夢囈之以鼻的。吳先生！你公然把我克服了。弄得我對你的大著，寫這一篇降表式的序文，你未必還有什麼魔術嗎？！

吳先生我感謝你針治鼾睡不醒者的盛意。我並感謝本會同人勸

你拿出一些大作編行這本冊子的功德。暫且擱筆了，候你第二部叢書出世，再送給你一個同樣的降表罷！

劉陸民序於全國律師協會之辦公室

二十年十月八日

序

言

四

例言

一、本集分上下兩編。上編包括函電等論述文字。故名曰書電。下論包括詩詞歌聯等文藝文字。故名曰文藝。

二、本集所取材料。本以有關於國家民族及社會公益者爲限。惟下編文藝中偶有涉及名勝風景者。亦附錄之。蓋爲提起讀者之興趣耳。

三、本集之作者。據聞作文向不起草。文辭不妥之處。或有不免。編者爲保存其真意起見。亦不便加以修飾。希讀者諒之。

四、本集內容。文多激烈語。似有任意慢罵之嫌。但作者抱有革命精神。此卽個性之表現。所謂有諸內。必形諸外。希讀者注意。

及之。

五、本集既有上述各情。可知本集雖命名爲文集。乃革命家之革命文集。非文藝家之文藝文集。希讀者祇取文意。不究其文辭也。

六、本集內間有原文後附編者按一段。此編者同情之表示。並非藉此妄言高論。以示鼓吹。希讀者無誤會。

編者劉遠麟識

民國廿年，九，下旬。

吳邁文集目次

上編 書電

爲漢口水杏林案致武漢日報函.....	一
爲漢口水杏林案致漢口反日會函.....	一
對全國商聯會之建議.....	二
致上海律師公會十六年春季大會函.....	五
對全國學生聯合會之建議.....	六
對全國律師協會之建議.....	九
與魯滌平論治讀書.....	一一
與王尹西論治讀書.....	一二
致太平洋會議各國代表函.....	一三
致劉盧隱請關懷桑梓函.....	一五

目 次

一

致印度同盟會函·····	一五
致南京英領函·····	一六
爲滬工部局越界築路致袁公安局長函·····	一七
爲中國航空公司圈用南京上新河灘地爲飛機場致交通部長王伯羣函·····	一八
致鎮江江聲日報社社長劉煜生函·····	二〇
建議上海律師公會堅決收回領判權書·····	二一
致上海公共租界工部局函·····	二三
警告鎮江縣長張鵬濫用職權書·····	二四
與鐵道部長孫科論路政書·····	二五
與軍政部長何應欽論整飭軍紀書·····	二七
致南京市魏市長函·····	二八
致江西省政府民政廳長請慎選縣長函·····	二九

復鄧祖禹函·····	三〇
復華僑後援會允就聘法律顧問·····	三一
致江西高等法院胡首席請檢舉貪污官吏書·····	三二
致監察院監委周利生函·····	三三
爲國選代表敬告江西父老書·····	三四
爲京市土地局長常鴻鈞誘奸鄧成立女士上蔣主席暨于王兩院長書·····	三八
與禁烟委員會查緝處處長李基鴻論公開煙禁書·····	四一
爲公開煙禁上于監察院長書·····	四三
爲公開煙禁警告禁煙委員會委員長劉瑞恆書·····	四四
爲公開煙禁致江寧地方法院檢察處函·····	四五
爲四全代表運動敬告同志書·····	四七
由首都衛戍司令部獄中上蔣主席書·····	四八

目次

四

代江西旅京同鄉會警告皖主席陳調元書	四九
代江西旅京同鄉會拒絕陳調元調贛致蔣主席電	五〇
爲台灣日警歐傷上海水產學校學生葉航民李兆輝等通電	五一
爲上海律師公會執覽會濫用職權通電	五四
籲請國府免加江西田賦通電	五七
爲漢口法水兵搶殺我警士通電	五八
爲張耀環電請國府查辦吳邁等致蔣主席譚院長暨江西省政府主席魯滌平電	五九

下編 文藝

蛛絲	六三
詠燭	六三
詠藕	六三

仿憲下曲	六四
德皇威廉第二	六四
述懷	六四
遠眺	六五
遊廬山龍潭	六五
早登廬山擲筆峰	六五
廬山大林寺刻石詩	六五
和李肖白君直汴道中元玉二首	六六
燕	六六
詠菊	六七
和陳暢潛兄弟二首	六七
觀鴈	六八

目次

六

游金山寺口占	六八
由杭赴寧波宣傳收回領判權道經餘姚懷王陽明先生	六八
遇曹娥江有感二首	六九
寓意	七〇
在鄞徧赴各學校各戲院演講收回領判權冒雪奔馳詩以紀之	七〇
贈魯主席滌平詩	七〇
示三弟良驄	七一
由漢飛航至京口占二絕	七一
贈九江日領河野清	七二
杭縣律師公會歡宴於西湖卽席口占 附序	七二
遊靈隱寺有感 附序	七三
偕南洋華僑羅君次啓遊寶華山道經羅潭有感	七三

登林品三回憶語·····	七三
贈符惠然君·····	七四
贈黃人庸君 附序·····	七四
題岳武穆像贊 附序·····	七五
贈陳瘦鵲君·····	七六
贈朱芸生同志·····	七六
贈詹鳴政律師·····	七六
十八年廢歷元旦試筆·····	七六
贈吳木蘭·····	七七
贈魯滌平·····	七七
東北民衆報出版祝詞·····	七八
題焦山觀瀾閣文信國公手卷·····	七八

目次

八

醉後狂歌.....	七九
泛掉西湖有感而賦.....	七九
放掉彭蠡泊康郎山有感而歌附遊忠臣廟記.....	八十
贈常州某.....	八二
贈武進縣公安局長李冷聯.....	八二
贈武進縣朱縣長聯.....	八二
贈武進縣徐光五科長聯.....	八二
贈武進縣黃小凝科長聯.....	八三
贈武進縣自主席郭次汾聯.....	八三
贈徐九思先生聯.....	八三
贈句容縣黨部常委謝應激君及某君各一聯.....	八三
贈武進縣婦女協會常委屠張三女士各一聯.....	八四

贈

賀日景 附跋

八四

贈江西省主席魯滌平二聯

八五

贈漢口日領河野清二聯

八五

贈六合縣洪縣長聯

八五

贈句容縣某君聯

八六

題焦山枕江閣

八六

題焦山自然庵

八六

題焦山觀音崖

八六

題焦山觀瀾閣

八六

題無錫錫山龍光寺

八七

贈無錫縣黨部關仰虞聯


八七

目

次

九

題武進清涼寺·····	八七
題焦山別峯庵·····	八七
杭州西湖岳墳石門聯·····	八七
又三潭印月聯·····	八八
又平湖秋月聯·····	八八
又湖心亭聯·····	八八
題首都五洲公園·····	八八
題首都鷄鳴寺·····	八八
題掃葉樓·····	八八
題莫愁湖·····	八九



編上

書

電

爲漢口水杏林案致武進日報函

逕啓者。漢口水杏林案。日寇遣艦威脅。越界捕人。日前已達短兵相接之期。非（前）急起一致。予以充分有力之聲援。必復釀成慘案。適自上月十三日（前）在都被捕。與夏天先後出獄以來。仍不敢以稍受挫折而自餒。分頭進行。誓不與矮奴共戴一天。有我無賊。有賊無我，夙仰貴報熱心愛國。諒有同情。擬請鼓吹。即日發起水案援助臨時大會。擴大宣傳。以爲後盾。此案乃民族全體攸關。并非一隅問題。想不至以隔岸觀火態度臨之也。

爲漢口水杏林案致漢口反日會函

逕啓者。自水案發生。日寇猖狂。遠道遙傳。曷勝髮指。對於貴會諸同志努力罷工及一切主張。允足奪虜魄而泣鬼神。惟有始無終。爲吾國人最大弱點。五分鐘熱度之誦。竊爲痛心。比來國基民氣皆非昔比。務祈各同志貫徹初衷。再接再厲。一洗疊次虎頭蛇尾之恥。邁頃蒞常。意欲請求各界速起援助。不使矮奴屈伏不止。惟我盡我心。成效爾未

敢預期耳。貴會倘有所驅使。請快郵上海申新二報發表。到處皆可閱及。因邁擬於滬甯路隨地宣傳。行蹤靡定故也。此頌台安。並盼惠示。

對全國商聯會之建議

爲建議事。竊聞天下興亡。匹夫有責。總理倡導革命。其目的在求中國之自由平等。彼謂積四十年之經驗。深知欲達到此目的。必須喚起民衆。及聯合世界上以平等待我之民族。共同奮鬥。商人爲民衆中之廣大穩健份子。其所負使命至重。其影響國家至鉅。惟以前多持在商言商。不問政治之消極態度。此實錯誤。須知人類社會無須與之間。能與政治絕緣。政局甯靖。則安居樂業。政局動搖。則頓受打擊。此尤顯而易見。毋須縉賢者也。矧現號國民政府。主權在民。若主人自棄其權。則豪奴悍僕。喧賓奪主。自屬必至之事。惟以邁觀察。商人中之巨傑傾軋。爲國禳幹者。固不乏人。而各省各縣各市鎮以及交通不便之地。最大多數。實覺智識過於幼稚。不但不能與列強商界並峙於世界舞台。即斤斤自衛。欲防貪污土劣之魚肉。亦不可得。此私心竊嘆。引爲隱痛者也。欲

款此弊。固屬整個的教育問題。然移緩就急。亦非無法。敢陳管見。請垂察焉。

(一)多開演講會。利用工作餘暇。請名人演說。在滬上總會。此類之集會頗多。外屬領袖則殊罕見。即滬會聽講者。亦每每限於領袖。未能普及。謂宜由全國商聯通令各級商會。規定辦法時間。講演會以多爲妙。

(二)廣發畫報。及白話報。我國不識字者。十之八九。謂宜由各通商口岸之商會。廣搜國內國外重要新聞。分別印以圖畫報。白話報。傳遞內地市鎮。如日本殺我外交官。挖眼割鼻。種種慘狀。以及勾通土匪。屠殺國人等類。最易刺激同胞。使其油然而生愛國之心。同時可令其明瞭世界消息。不至純聽他人之支配。冤戴奸商市僧之頭銜。

(三)由全國商聯派員。分赴各處宣傳反日。現在各處反日會。與各該地之商人。幾同水火。感情惡劣。時有爆烈之虞。反日會本身不健全。確有可議者固多。而商人不明大義者。亦屬不少。抵制劣貨。亦非根本辦法。並此不能辦理妥善。何怪五分鐘之熱度之貽誼乎。最要由商人自動抵制。切實查禁。一面積極提倡國貨工廠。使日貨不抵而自

絕。我國原料既富。民智又不後於人。決無不能趕上外人之理。如是既能增高自己地位。不必事事仰人鼻息。聽人制裁。又可賺錢。豈非一舉而數善備乎。

(四)易服改裝。提倡體育。我國便服雖頗舒適。然蕭散浪漫。殊之一種勇武精神。謂宜一律改穿中山裝。或學生裝。各商會皆應設立體育場。使店主夥友。研究國技。或兵式體操。以及種種運動。日本全國大操。其理想敵人。既係我國。報上無一日無日人之直接間接屠殺我國人之紀載。禍到眉頭。再無遲回觀望之餘地。

(五)切實研究黨義。參加革命。以前商人中來順甲。乙來從乙。包總不外出幾滴買命錢。過那偷生苟活的日子。現在政治能否滿人意。是另一問題。但三民主義。實為救國之大經。至於目前種種令人失望之處。非主義之罪乃執行主義者之罪。同時十之七八。亦人民放棄主權不問政治之罪也。今欲改絃更步。非切實研究黨義。黨綱。黨的策略。參加革命不可。或疑國已統一。尙何革命之可言。須知帝國主義未消滅。軍閥餘孽未掃除。革命不能謂為成功。剗破壞不過革命工作之初步。而建設乃革命之工作完成也。

以上數端。本知膚淺。隨感率陳。毫無條理。尚希略跡原心。加以注意。冀商克萊武吞并印度。日本滿鐵會社掠我滿蒙。皆以商人爲國努力。其野心不可法。其愛國心良可佩也。貴會各代表熱忱毅力。夙所欽遲。今日報上所載貴會聲援漢口罷委會電文。讀之尤爲感奮。適非商界。素昧商情。自愧無所貢獻。敢以所知。敬陳貴會。是否有當。祇祈公決。

編者按本文所列數端。望似平庸。但求吾商人依此做去。誠非易事。蓋吾國人生性卑劣。祇知圖個人利益。無所謂國家觀念。一般商人。尤有過之。讀斯文。其亦有動於中否耶

致上海律師公會十六年春季大會函

竊我國自鴉片戰爭以來。被各帝國主義者之侵略蹂躪。百年於茲矣。枷鎖繁疊。桎梏重。吾民族之婉轉呻吟。無可告語。就中尤以領事裁判權之設置爲最酷。製造內亂。容縱姦宄。破壞烟禁。摧殘主權。無一不以此爲工具。其爲萬惡之府。稍有常識者。類

能言之。今我國已告統一。基礎漸固。疾首痛心之餘。殊覺可耻。吾人職屬律師。痛癢較切。同時要求撤廢此種逆理背義。違反國際正義之領判權之責任。亦較重。政府當局。雖嘗注意及此。而列強態度。仍存徘徊觀望。從來與虎謀皮。事必無幸。努力奮鬥。方克有濟。暹羅土耳其。不過彈丸九子之國耳。尚能排而去之。我以東亞大邦。事有不克撤消之理。惟空談無補。謂宜由本會遴選學識優長。熱心愛國。素來具有犧牲精神者。人至五人。資助分赴各省。廣事宣傳。使舉國咸曉然於此制之不應再行存在。然後或以革命手段。或用外交方式。限制取消。後盾必強。則勝算可必矣。是有否當。祇候公決。

對全國學生聯合會之建議

爲建議事。頃閱滬上各報。欣悉貴會開執監聯席會於首都。討論會務進行辦法。細讀諸君演說旨趣。欽佩之餘。莫名什賀。惟遇有一得之見。不能不爲貴會陳者。請垂察焉。

(一)學生軍之組織訓練。應予擴大緊張也。我國人每受一次屠殺。即起一次呼號

。事過境遷。遂成淡忘。此五分鐘愛國熱度之徽號所由來也。學生軍之發起。始於五三。初創之時。如火如荼。大有氣吞醜虜。不可一世之概。乃倭奴屠殺未已。國恥未雪。而學生軍之消息。寂然無聞。此種無毅力之惰性。實爲亡國之根。務望通令全國各學聯合。擴大組織。普及各校。積極訓練。益加緊張。日本全國大操時。亦須舉行大操。與之對抗。並須永續不懈。

(二)課餘星期假期之演講。應予普遍也。喚起民衆。爲吾人最重要之工作。其理論毋須多贅。請宜通令全國各學聯合。使學生於課餘時。就校旁較近地方。隨處演講。星期日則結隊分赴較遠地方演講。年暑假內。則深入僻壤窮鄉演講。一方可使學生得到社會種種實際上之智識。一方能使麻木的民衆。稍就蘇醒。打倒新軍閥。及各帝國主義之生力軍。即惟此是賴。高麗學生。現雖進行此種工作。日人干涉甚嚴。我不及早努力。將蹈彼之覆轍。

(三)禁服長袍馬褂。使着制服也。每見一班學生穿長袍馬褂踢球。浪漫蕭散。毫

無精神。厥狀至慘。謂宜通令各學聯。以後一律改穿制服。或中山裝。振刷精神。一新耳目。

以上三項。皆淺而易行者。其他邁欲貢獻之處尚多。然未敢放言高論。徒託空談。現在國亡無日。黨部黨官僚。政府新官僚。以及醉生夢死之民衆。各人忙他的私人利益。大多數皆不足與語。惟一責任。悉在諸君之兩肩。務望不棄鄙陋。加以採納是幸。隨感隨筆。自知膚淺可笑。是否有當。敬候公裁。並盼惠復。此致中華民國全國學生聯合會執監會公鑒

編者按外人視吾國爲睡獅。此種批評。出自外人之口。似近譏諷。但按之實際。直死虎之不若。睡獅云乎哉。自五四學生愛國運動。發生以後。外人之視線。爲之轉移。蓬蓬勃勃。大有死虎復活之概。洎國民革命軍底定中原。莫都南京。青年學生。乃或趨走極端。威顏墮自甘。吾國人所希望於青年之一線曙光。竟晦暗莫明。本文所謂惟一責任。悉在諸君之兩肩。恐有待

於未來之青年耳。嗚乎天下痛心事。孰過於此。

對全國律師協會之建議

爲建議事。竊以律師爲司法機關構成一重要份子。其地位與推檢鼎足而三。本無軒輊。乃社會每存玩視。其間由於風俗誤解者半。由於本身不健全者亦半。欲祛斯弊。首須自新。謹陳管見。約有四端。

(一)屏除嗜好 傳云。夫人必自侮。然後人侮之。易言之。即人必自重者。然後人重之。烟賭兩項。最足爲品行之玷。每見多數同人。不惟視賭博爲尋常。甚且耽鴉片如性命。習非成是。殊堪痛心。茲姑置禁賭不談。至於吸烟一項。以後應由本會設法取締。凡入會者。須命先赴當地拒毒會。或禁烟委員會。取其證明查驗並無嗜好之證明書。其已在會之會員。每六個月定期召請醫生。公開調驗。若涉嫌疑。限期戒絕。違者或抗不聽驗者。悉予除名。並通告全國各會。禁其轉移。加以名譽上之制裁。

(二)研究黨義 目下有一最難忍受之批評。即謂律師只謀個人利益。不革命是也。

平心而論。雖不盡然。豈全誣蔑。當此民族危殆。革命勢力瀕沒之際。律師爲國民中之具有智識者。本不應落人後。謂宜通令各會。設立黨義研究會。多開講演。互相切磋。主義既已瞭解。自知責任所在。

(三)參加革命 吾國陷於次殖民地之慘境。無慮百年。凡屬黃炎之胃。胥具奮鬥之實。吾儕既不能人人荷戈。踣彼強敵。脫我銷枷。關於撤廢領判權之宣傳。不能不稍盡力。現上海公會。不過本會支體。尙已決議贊遣代表三員至五員。分赴各省市廣事宣傳。以期喚起民衆。爲外交後盾。本會籠罩全國。更不應事袖手。謂宜由本會妥籌經費。遴選人材。擇其愛國心熱。學識優長。有犧牲精神者。分赴各省市。以及海外各國。廣事宣傳。一方面能登舉世之視聽。一方面可得社會之同情。在昔日本維新。如福澤諭吉等。都不顧一身一家之福利。專圖全族全國之興盛。吾以東亞大國。豈可後人。卽今印度甘地。亦一律師耳。爲民族與國家。而奮鬥。而犧牲。年逾六旬。下獄多次。愈接愈厲。不屈不撓。舉國崇拜。尊爲聖雄。反觀吾儕。能不愧死。欲圖補牢。速着先鞭。

(四)提倡俠義 爲人辦案而取公費。權義相互。自屬當然。惟律師職業。與專營私利之商賈有別。須看重職字。不可專在業字。即第一項所謂與推檢鼎足而三者是也。既如是。正當之報酬。固不必放言拒却以鳴高。惟遇負冤無力者。亦宜挺身而出。代抱不平。必使得直而後已。能如此。則所謂保障人權。維持法律之天職。方足當之而無愧。否則。雖爲律師。何異訟棍。非謂同人絕無仗義之人。第覺似嫌太少。以後本會應特別提倡。遇有此等任俠。同人宜加推崇。或刊諸雜誌。爲之延譽。或給以證書。藉示褒嘉。轉移風氣。非難事也。至於易服改裝。剷除浪漫之習。練拳講武。振興勇武之風。此弱肉強食。世界第二次大戰醞釀之中。東鄰全國大操。耽耽逐逐之會。吾國危如累卵。萬無寬衣博帶。醉生夢死之餘地。以言提高律師本身之地位。轉變社會鄙薄之視線。尤有振刷之必要。謹陳數端。藉圖挽救。是否有當。祇候公決。

與魯滌平論治贛書

魯主席鈞鑒。夙欽駿譽。無緣識荆。引領下風。曷勝依切。我讀久陷深熟。待援孔

殷。茲獲足下主政其間。當必有慰喁望。邁翰人也。自違鄉井。十載於今。寄跡漢滬。實律自給。於人毫無所求。惟以祖宗廬墓之地。少小釣遊之鄉。治亂所關。未能恕爾。以故對於朱毛蹂躪。貪污剝削。緘默難安。乃迭與各省同鄉代表。偕同國府。籲請改組省政府者此也。頃竟如願相償。其爲忤歡可知。且讀足下演詞宣言。訕擊懇切。令人傾服。邁他非所冀。祇祈將所詔示於吾民者。一一見諸行事。則爲賜已多。語云。「爲政不在多言。」願力行何如耳。竊願足下勉之。在昔封建時代。一省首長。自躋侯王。睥睨一世之氣餒。不堪響邇。以聞意見。非其所重。崩潰卽由於此。吾黨革命亦由於此也。足下在本黨過去奮鬥之歷史。邁已略知梗概。深信將來。必有以大造於贛。鉅賢者施治。先探病源。茲將去年請願經過情形。檢呈一閱。祈便賜觀。卽知癥結。雖勢殊時易。未能強同。然大致不差。足供參考。希勿以瑣瑣見忤爲幸。端此奉陳。願聞明教。頓頌勛安。

與王尹西論治贛書

王繼長雲若兄惠鑒。閨門謁候。數易居諸。每一念及。彌殷馳溯。比諗台端宜勇鄉邦。專理民政。下風遡聽。良用忭懽。兄以文武兼資之材。當戡亂政治之任。計必館驛父老唱唱之望矣。甚爲桑梓得人慶。惟前事不忘。後事之師。臺者省府執事。目光短淺。罔識遠大。論者每謂其植黨營私。以致虎狼密布。民命不堪。彼其當時。職以現有地位。子孫萬世業也。庸詎知官場乃戲場。此陟彼降。爲歎幾何。茲竟朝告下野。夕卽遁逃。並祖宗墓墓所在地。不能一朝居。其愚可憫。其狀真可笑也。我兄明達。斷不至此。輾中匪共蹂躪。強半流離。但能於肅清匪氛。安輯流亡二端。限最短期間。使之實現。則爲賜已多。至於澄清吏治。力圖建設。猶其次也。恆聞一介之士。首存心於利物。莫不有濟。仲尼以手無斧柯爲歉。自信暮月已可。三年有成。矧足下茲居可爲之位。復丁可爲之時。時哉勿可失。目前最好努力建樹。飢者易食。渴者易飲。做官事小。做人事大。竊願吾兄勉之。

致太平洋會議各國代表函

日本京都太平洋會議中國代表團。轉各國代表鑒。查領事裁判權。設置之始。原爲調劑中外法律之不同。嗣乃變爲強者壓迫弱者之工具。不惟侵犯主權。抑足妨害睦誼。大如迭次之慘案。小如不時之糾紛。推原禍始。何莫非以此爲厲階。在此民族精神。非霄壤發。世界各國。努力和平之頃。猶留此違反新時代潮流。絕無僅有之怪物於我國。稍有血氣。能毋憤慨。比見貴各代表等。皆認領判權之本位。在原則上。實屬乖謬。願以友好精神討論之。以合理手續解決之。具見眼光遠大。迥與其他國際會議有別。惟尙間有藉口我國法制未臻完備。撤廢尙須有待者。其理殊不可通。蓋法制之爲物。本無絕對善惡之可言。緣風俗習慣。文化地理。種種環境之不同。法制不能不因之而有差異。縱令官威柄鑿。祇有裹足不前。斷無反賓爲主。使人從己之理。矧各友邦。皆以相互平等。爲國際間最高之原則。應將國際法上之污點。斷然滌除爲是。則平和可久。非僅吾國之幸。亦各友邦之幸。否則。敝國國民與政府。惟有基於國際公法自衛權之作用。自勵撤廢。此種不得已而合法之處置。想爲各邦所共諒也。

致劉蘆隱請關懷桑梓函

蘆隱先生大鑒。足下韓人也。韓之爲韓。比成如何景象。想在洞鑒。在籍者。既陷虎口。欲呼籲而不可。在外者。復同散沙。想援手而不能。職是之故。遂坐視全韓八十餘縣之父老兄弟。婉轉呻吟于刀俎之上。而莫可如何。頃聞蘇維埃政府。公然樹立。紅旗到處飄揚矣。足下高踞中樞。領袖黨國。無論從國家觀念。鄉土觀念着想。其能如秦人視越人之肥瘠漠然無所動耶。事急勢迫。嗷類將無。希足下於衆醉獨醒之時。毋存袖手旁觀之念。對於小小釣遊。廬幕所在地。留意垂援。弟等願同效奔走焉。此頌黨旗。

致印度同盟會函

上海印度同盟會青能聖信大。兩同志轉貴會各同志公鑒。頃據敝門生李逢初秘書面稱。諸同志對逾期許之深。至爲慚感。貴我兩國。同爲被壓迫民族。際此反帝怒潮中。自應聯合各平等民族。攜手共進。以擴清此橫無人道之既得權。比來報章。說載英帝國

主義者。儘量拘捕貴國革命同志。殊深憤慨。一俟回滬。當與各同志共商革命對策。並希代達貴國各同志。希奮鬥到底。最後之勝利。屬於最後之努力者。專此函達。並道慰忱。敬致革命敬禮。

致南京英領函

許立德先生大鑒。京城判袂。數月於茲。不勝馳繫。近來中外報紙競載貴國政府。儘量拘捕印度黨人。殊深駭異。處此號稱文明之二十世紀中。印度尙不能保守其最高領土主權。授以人類相互平等之原則。已屬違背正義。矧此次風潮。完全肇於貴國之高重鹽稅。印度人作非武力之反抗。已爲人類求生存最低之表現。貴政府不察。大加搜捕。證以麥唐納爾先生在野時之政論。甯不背馳。用本友誼態度。希電致貴國政府。迅速制止蠻橫舉動。是則不勝盼禱者也。此頌公安。

編者按讀上列二函。胸中熱血沸騰。有不能已於言者。蓋帝國主義者蹂躪弱小民族。其處心積慮無所不用其極。英之於印度。法之於安南。日本之於朝鮮

。同出一轍。世界各弱小民族欲打倒帝國主義者。非依吾黨。孫總理所詔示聯合奮鬥不可。但觀國際近來之趨勢。赤白帝國主義者。竟有夾擊本黨。不容與弱小民族聯合奮鬥之模樣。而本黨亦不盡提攜之責任。坐令世界十二萬萬五千萬弱小民族。仍過非人生活。殊可慨也。望吾國有識之士。仍本總理聯合世界弱小民族共同奮鬥之遺訓。以盡其對人類之義務。否則。所謂世界大同。盡幻想耳。

(十)爲滬工部局越界築路致袁公安局長函

袁局長惠鑒。閱報驚悉各帝國主義者羽翼下之上海工部局。乘我內訌。復肆侵略。既敢越界築路於前。復敢奪我警權於後。狼子野心。靡有底止。得寸進尺。痛恨實深。差幸貴局長不畏強暴。應付有方。至不惜任何犧牲。誓與周旋等語。尤見胆識過人。足爲我國吐氣。誠不愧爲革命政府下之良好官吏也。佩甚慰甚。滬西地方。雖係一隅。事關國權。勿容漠視。務希貴局長毋稍讓步。須知四萬萬民衆。皆爲君之後盾。鄙人已於

本月十八日飛航入首都。除向外交內政各部。面請即予提出嚴重抗議外。並遍赴各公共場所演講。擴大宣傳。喚起全國朝野注意。以便一致對付。至必要時。鄙人擬用民國十五年收回漢口英租界方法。糾合廣大民衆。以革命手段。收回上海租界作一根本解決。較爲痛快。鄙人爲廢約運動。遍歷南北。民智民氣。一日千里。彼昏昧冥頑之帝國主義者。猶以八十年前之中國自我。實爲可笑。語云。最後之勝利。歸於最後之努力者。維足下實利圖之。崑崙奉達。並伸佩忱。近況如何。祈賜明教。順頌教安。

爲中國航空公司圈用南京上新河灘地爲飛機場致交通部長王伯羣函

王部長鈞鑒。敬啓者。中國航空公司圈用上新河灘地一案。瞬將經年矣。其中癥難情形。迭詳歷次呈函。勿須再贅。該灘地爲數十萬商人生活之本據。在法律上固不可侵，在事實上尤爲需要。自經圈圍後。雖該公司未曾使用。然一般業主。對於各項設施。皆懷疑阻。不敢放手進行。無形之中。所受損害甚鉅。貴部長以交通負責長官。而兼轄

公司理事長。對於國營交通事業之發展。與民產所有權之尊重。理應公私兼顧。方符法治精神。乃於公司方面。既不需。於圈地方面。又不放手。當事人迭呈不批。本律師屢函不復。一若官權萬能。民產毫無保障者。所謂法治國家。果當如是耶。本律師受當事人之委託。在法律範圍內。負有保護之責。請煩迅將該圈地明白批示發還。以安人心。倘或不可。即將理由宣示。以資折服。如仍持前態。置諸不理。則真如俗諺所云。州官可以放火。民間不能點燈。而政府所頒各項法規。等於廢紙。只好用覆轡瓶矣。端此奉達。立盼惠復。懸直之處。尙布鑒原。順頌助安。

編者按國家公共事業建設，本有徵收人民土地使用之職權。但應按其情形之輕重。事實之需要與否。而定其應否徵收。與徵收範圍之大小。此法治國家之常軌。蓋公共事業之建設。國家與人民。宜雙方兼顧。二者不可偏廢。利民病國固不可。利國病民。尤不可也。據上文論列。非合法之徵收。乃恃勢之強佔。爲軍閥政府所不敢爲。豈日以爲民衆解除痛苦。爲民衆謀利益

。相號召之革命政府所宜爲耶。吳先生不畏強禦聞自此信去後即獲允准發還。亦是亦當事者之大幸也。

致鎮江江聲日報社社長劉煜生函

疊生同志惠鑒。吾與足下皆江西人也。江西素號節義之邦。此種高帽，在昔文文山。謝疊山。陳象山。以及不以五斗米折腰的陶靖節輩，允堪當之而無愧。自茲以降。斯風頓邈。雖不乏一二鍾武繼軌之儔。然節義之邦的上面。冠以江西二字。吾爲江西人三千萬中一份子。反躬自揣，殊覺顏汗髮悚，無地自容耳。今足下以赤手空拳。創辦江聲日報於斯土。竟能孤軍奮戰。不撓不屈，撫畏無恐。爲弱小之民衆主張公道。對有力之權要。加以糾繩。固留有幾分江西老悌的本色。而尤合乎新聞家居於指導地位之風度。聲譽奮起。非偶然矣。由今之道。無幾今之操。則足下對於江西號稱節義之邦一語。實庶幾矣。惟吾聞之。靡不有初。鮮克有終。今之以新聞界起家而獵高位者何限。其無負初衷者。固不乏人。淪胥泥坑。不能自拔者。尤比比也。前事不忘。後事之師。足下英才

卓識。前途無量。其不以予爲鄙陋而忽之乎。則願進數語以相慰。一曰咬緊牙關不怕窮。二曰。發奸摘伏不稍容。三曰不發轉移於臭銅。四曰。唾棄仕途之虛榮。果能如是。卽爲輿論界之豪雄。語云。令名難得而易失。有志之士。爭千秋不爭當世。毋負先達在是。並瘞黨國者亦在是。足下勉乎哉。

編者按新聞事業爲可貴難能之事業。不有高明之智識。清潔之操守。堅忍之志趣

。主張正義。安能不爲利祿所誘。不爲威武所屈哉。吾國新聞界中雖不乏明達之士。但求其能如上文列論四端者。吾未之見也。輿情之不能表現。

厥故在此。賢之良翰先生以爲何如。

建議上海律師公會堅決收回領判權書

爲建議事。竊維廢除一切不平等條約。爲黨國革命之目的。撤銷領判權。又爲廢除一切不平等條約之初步。民衆感受此種枷鎖般的痛苦。固皆矢死奮鬥。一日難再忍受。政府上衆總理之遺訓。下循國人之願望。業經宣布海內外。限於民國十九年一月二日。自

動撤銷領判權。下令之日。舉國歡騰。即在友邦。亦表好意。乃頃閱報載。英使藍浦辛君來京。磋商修約。對於法權問題。態度游移。意欲逐漸放棄。不肯決然撤銷。是真以埃及自我。不禁皆裂。查並世諸國領判權之存留。除我國以外。幾已經絕跡。以領土最大。人民最多。文化最古之大國。受此奇恥大辱。何以立於天地之間。不寧惟是。美國與我國向以親善面具相聞。對此問題。亦有惟英馬首是瞻之舉。尤爲詫異。足見國際間本無道德正義可言。惟獨立不撓。堅決貫徹原有主張爲可恃。邁等謂宜羣起注意。並即施行下列各種辦法。

(一)電外交部收回法權。應照我國本年通牒辦理。絲毫不能變動。其他一切不平等條約。悉須改正。以符國際平等之原則。

(二)派代表向政府面陳一切。必得負責答復。免滋民國十七年十一月薩家灣外交官舍同樣不幸之糾紛。

(三)通電各省市各級黨部團體。一致嚴厲監視。如英使仍持前態。即予停議。俟軍

事結束。統一實現後。再行討論。土耳其諸國之先例具在。不患不能如志也。是否、有當。提請公決。

致上海公共租界工部局函

逕啓者。查領事裁判權制度。不合於近世紀。爲任何人不能否認之事實。以此種制度。非特爲中外和平之障礙。且起妨害經濟之發展。雙方均蒙不利，非僅我國已也。適奉全國律師協會派赴各省撤廢領判權。並與各國領事交換關於此項意見。如九江日領何野清君。蕪湖日領柴崎白尾君。南京英領許立德君。美領歐敦司君等。接談之頃。均表好意。並極重視。足徵中外具有同情。茲來滬宣傳。除已在上海特別市黨部。上海地方法院。暨各學校。各公共場所演講外。擬於最近期間。徧赴界內各娛樂公共場所演講。以期促起國人之注意。與各友邦之諒解。並非鼓吹排外。此種有秩序。有系統。合理莊重之宣傳。準諸言論自由之公例。當無非難之餘地。茲爲免除誤會起見。特此函達。請煩貴局查照保護。至紉公誼。並希見復爲荷。

警告鎮江縣長張鵬濫用職權書

逕啓者本律師迭准鎮江報界領袖張君逸珊。劉君煜生。王君言如等。暨永濟洲望民代表團來函。對於貴縣長擅押永濟洲望民劉治如等四人一案。認爲濫權違法。成爲髮指。環請出爲維持法律。主張公道等語。旋經本律師親赴貴政府調查一切時。適貴縣長外出。乃與劉治如等接見於押所。據稱伊係本年一月八日被押。張信祥一月十日被押。黃銘朱大桂同係去年十二月廿五日被押。押後從未見過縣長。亦未訊問一次。不知究犯何罪。言訖同聲哀求依法援救云云。嗣以轉詢貴秘書沈君國鈞。承認無異。聆悉不勝駭詫。查劉治如等與義渡局爲永濟洲租佃發生糾葛。純屬民事訴訟範圍。姑無論。鎮江早已設有法院。貴政府無權受理。卽在法院。對於劉治如等。按照民事刑事羈押被告人條例。亦無如此辦法。貴縣長此種措置。不惟違反保障人權令不得以非法行爲。侵害他人身體自由之規則。實已觸犯刑法上第三百十六條妨害自由之罪刑。本律師對外既素抱擁護政府。收回法權決心。對內自應促進法治。俾免外人藉口。爲特專函警告。希即查明開釋。

至於貴縣長有何意見。祈於信到三日。明白見復。至叙公誼。

與鐵道部長孫科論路政書

哲公部長助鑒。鑒聆偉論。夙切欽遲。近閱各報。尤佩碩畫。邁爲京滬路車。日常誤點。冒昧人告。旋奉復諭。藉悉中因機車太舊。仰見辦事之難也。我國受各帝國主義者侵略侮。將及百年。有志之士。良用痛心。邁卽其一。以此犧牲家庭之幸福。竭力殫精。努力廢約。奔走已半中國。唇舌早告焦敝。所求無他。欲實見總理中國自由平等之目的耳。區區之愚。竊以我國欲達斯目的。萬非口號標語所能集事。必也上下一心。共同淬厲。力斬事事勝過外人。至少亦須能與並駕齊驅。方克有濟。近觀東隣之維新。遠瞻土國之崛起。其明徵也。鐵路爲交通利器。視國者每以此爲文野強弱之準。環顧各屬。祇有涕零。內亂爲祟。令人切齒。茲幸統一再見。發奮向上。此正其時。十萬里鐵路敷設之遺教。縱不能責之於俄頃。已有各路。似不能聽其泄沓腐敗。實有積極整頓之必要。國人通病。大多缺乏公共觀念。利害關係二人以上者。則少負責之人。否則腹誹巷

議而已。或造謠搗亂而已。求一誠懇直言，善意忠告，以圖改善者。千百中不一二見焉。邁不揣淺陋。反其所爲。謹陳管見。尙希垂察。

(一)誤點最足招旅客非難。務須於機車換卸後。使之再不脫班。

(二)政府正圖建設。需用材料甚鉅。刻下鐵路一釘一木。均非購自外國不可。利權外溢。至可憂慮。謂宜急圖鍊鋼。自造車頭等件。

(三)用人宜重材品而輕情面。庶可使真才術興。

以上皆屬老生常談。明知無裨高深。管見所及。敢以上聞。國步艱難。各盡乃心。邁抱四不主義。絕無絲毫作用。請勿誤會。惟留意見教是幸。此頌勛安。

編者按路政之腐敗。盡人皆知。國民革命軍統一全國。國府設鐵道專部以司其事。

。似有整頓路政之決心。實行總理十萬英里鐵道之計劃。但數年來成績。除建築一宏偉壯麗之鐵道部。作官僚眷舍外。別無建樹。至於用人。是否取材。明眼人皆知。更無待贅述。望今之執政者力矯前非。則亡羊補牢。

未爲晚也。

與軍政部長何應欽論整飭軍紀書

敬之部長助鑒。敬陳者。常聞革命軍人。爲民衆武力。人民有自由。官吏無自由。絕對服從命令之軍警。更無自由。此爲本黨首領屢屢詔示吾人者也。今則異是。各武裝同志。能確遵此義者。固多。其暴橫不法者。亦屬不少也。他姑不論。即以首都交通機關觀之。興華汽車公司。奉市府令准開設。原爲合法營業。月納巨捐。應得保護。雖奉總司令。衛戍司令。與鈞部頒示。飭各軍警按照四分之一買票。每車限座軍警七人。人聲言諄聽藐。視若弁髦。或全不遵守。或僅給銅元三枚。不問路之遠近。或明知乘客滿額。強行登車。警署又從而罰之。公司職員。稍與理論。輕則披煩。重則攢毆。此爲有目共見。有案可稽者也。適非好爲毛舉細故。妄事詆譭。緣職屬律師。原有維持法律。保障人權之天職。加之年來宣傳收回法權。首當促進法治。此種現像。固有玷軍紀。尤與法治精神不符。小之貽外人以放棄領事裁判權之「實」。大之爲吾國萬萬民衆民權行使之障。

礙。心所謂危。不吐不快。此邁所以不避冒昧。不敢不告者也。明知一馬害羣。未可概及全體。鈞部用心。斷勿庇茲敗類。惟首都爲中外具瞻之地。中樞尙且如是。其他更當如何。敬乞俯賜鑑察。力予整頓。則不第黨國之幸。亦斯民之福。至該公司區區營業之榮瘁。不足道矣。此陳。並頌勛安。祇候惠示。

致南京市魏市長函

魏市長鑒。走訪未晤。至爲歉悵。近想政祺迪吉爲頌。茲啓者。興華汽車公司。奉鈞府令准開設後。數月之內。被警嚴辱停工。不下數次。本黨軍隊。與軍閥殊科。一爲民衆武力。一則壓迫民衆。今若此則牛羊何擇乎。查鈞府對於市政。負有全責。興華汽車公司。雖係營利商業機關。於交通上關係頗鉅。公共振華兩公司。既被軍警壓迫。營業萎頓而踣。茲興華又復奄奄垂斃。不可終日矣。尙希迅賜切實保護。俾免隕越。邁爲此請。非關區區之委託。緣首都爲中外矚目之地。倘此間無法無天。則其他寫遠之地。尙復可問乎。丁茲收回法權之頃。尤應促進法治。對於軍警抗令恣橫。妨害交通。雖直接

無處分之權。間接儘有遏止之術。至於歷次所發生各案情形。在卷不贅。惟垂察惠復是幸。此頌助安。

編者按讀上列二文。吾人誠不能不爲之痛聲一哭。革命軍由廣東長驅武漢時。紀

律森嚴。愛民愛國。誰意江河日下。形勢日非。至今所謂革命軍人。直是非爲人民而革命。乃革人民之命耶。故民衆視如蛇蝎。共產黨遂利用其弱點。乘機煽動。江西民衆。日趨匪化。竟有見國軍來剿。隨紅軍而逃遁者。治軍當局。其亦知其故乎。

致江西省政府民政廳長請慎選縣長函

雲岩志兄廳長惠鑑。久疎箋候。至爲懸懸。茲啓者。敝縣縣長毛侃。邇來頗不理於人口。頃接餘江旅省同鄉會來電。臚列其罪。似皆言中有物。並非挾嫌妄肆攻擊。則毛君至少限度。已屬人地不宜。以弟之愚。若欲澈究。可交法院偵查。苟求事息。莫如調而之他。弟離邑十有三年矣。固無恩怨。豈有偏袒。惟事屬桑梓。休戚攸關。難民紛紛函訴

冤苦。與正人善類之馳書指謫其短者。絡繹不絕。由此以推。則非該旅省同鄉會局都與之爲難可知。弟固是難安緘默。敢以奉陳。如何處置。仰候鈞裁。立盼惠復。俾便轉致。順頌政安。

復鄧祖禹函

逕啓者。頃接大函。敬悉種端。舍弟年少無知。急於進取。中國亂原卽在是也。昔人皓首窗下。不得一官。今乳臭未乾。輒思高位。何不量歟。弟素以四不主義昭示國人。倘自不求官。而爲弟求之。不薦官而爲弟薦之。是乃掛羊頭賣狗肉者之所爲。而謂弟屑爲之乎。人生知己真難得。足下與予往返不爲不久。猶復以不肯視我。何怪人之猜測蜂起。謠詠繁興耶。煩轉教舍弟。人生至多不過百年。最好趕向頂天立地之大事業上猛着先鞭。若自甘暴棄。惟蠅營狗苟之是務。則非吾弟矣。且將齒冷。而屏勿與同中國矣。足下知弟較深。當弗以爲太過。我國本屬天府。但大家能革除兩癮。不難立躋富強。兩癮若何。鴉片烟癮。與做官癮是也。足下亦有其一否。苟其有之。謹司戒之。如可一

笑。復頌台安。此致滌清兄鑒。

編者按吾國人受鴉片與作官二癮之害。不可言喻。前者不見人皆有之。後者除懷抱之嬰兒外。幾乎無人不充滿此種觀念。即窮鄉僻壤之三歲孩提。亦類能言之。蓋社會一般人之觀念。以作官爲人生終身事業。此外皆卑卑不足道。所謂萬般皆下品。惟有讀書高。（卽以讀書爲作官之準備）者。殆卽此意也。雖然。人各有志。作官亦是職業之一種。未可厚非。故余向主張不以作官爲可恥。深以不爲作事而作官。爲作官而作官爲可恥也。當今之世。吾國人遞鹿於官場者過多。從事於其他事業者過少。固宜深戒作官之心理。以減少政途之紛爭。尤戒爲作官而作官之卑污心理。藉清政途之惡濁。否則。吾國前途。誠不可思議矣。

復華僑後援會允就聘法律顧問函

蝶生先生偉鑒。頃奉大札。承悉貴會議決。聘選爲法律顧問。已經備案各緣由。自分學淺才疎。深恐弗克負荷。惟帝國主義之橫暴。素爲邁所切齒。是以年來奔走宣傳。

不惜犧牲一切。茲貴會共趨一的。自當載賦同仇。過難驚駭。甚願附驥以追隨于諸君子之後。共同奮鬥也。特此敬復。並候大安。

致江西高等法院胡首席請檢舉貪污官吏書

簡如老弟如握。頃晤鄧滌清同志。感謝吾弟此次爲故鄉說話。痛哭流涕。竟令青小奪魄。聞之佩慰。執謂贖無入乎。尙希愈加努力。除惡務盡。茲接敝邑來函。不勝髮指。毛侃以小小縣長。胆敢貪橫至此。殊出意外。附上來函一件。傳單一紙。祈即依法迅賜檢舉。王雲岩之縱官禍鄉。其罪亦不可追也。肅此奉達。並頌近安。

致監察院監委周利生書

利生先生惠鑒。頃閱報載陳調元彈劾案。先生領銜檢舉。再三循環。欽佩良殷。民賊橫行。所在多有。當局熟視無睹。小白姓又復無如之何。將陳氏笑予一盤。恍若春雷大震。萬物皆蘇矣。適前爲贛事請願。彼此誤會。致生咀唔。由今思之。不值一笑。好在雙方皆無私人利害衝突。不過見仁見智。思想參差耳。陳氏與我亦昧生平。並非幸災

樂禍。鄙見竊以欲鞏國本。首須澄清吏治。欲清吏治。則此種敗類。非予攢清不可。有此一舉。行將全國聳動。蕭艾以次蕪崇。芝蘭因而競秀。國家前途。實利賴之。自分與世無求。不必甘言取悅於人。心所謂當。難安緘默。是以不得不對於先生表示敬意。他如鄧英禍贖。罪在必誅。羣小塞途。當加掃蕩。仍祈次第着手。邁雖無具。力所能爲。願作後盾。肅此布臆。祇頌毅安。

編者按吾國政界惡濁。不愧爲世界各國之冠。軍閥專橫。官吏貪污。相習成風。視不爲怪。軍閥時代。本不足論。不意隸屬於青天白日旗幟下。號爲革命的國民政府之官吏。其貪污行爲。仍復如故。陳調元本軍閥餘孽。乘機投降於國民黨。主皖數載。穢聲載道。婦孺咸知。足以代表民衆喉舌之各級黨部。竟默無一言。禁若塞蟬。幸有少數不畏強權之監察委員。毅然提出彈劾。此誠霹靂一聲。爲吾國政界放一異彩。值得吾人讚美。上文即吾人類應有是非心之表現。足資鼓勵正義。希國人注意及之。至彈劾結果如何。是又政府執法不明。自墮威信。

。亦卽自絕於人民。乃另一問題耳。

爲國選代表敬告江西父老書

贛省三十萬父老兄弟諸姑姊妹均鑒。歲月不居。駒光如電。邁與父老兄弟諸姑姊妹別。忽忽又逾年矣。在此年餘之中。我父老兄弟諸姑姊妹之生命財產。被犧牲者。何可數計。屍骸遍野。家家有含冤之鬼。瘡痍滿目。處處皆失路之人。兵來匪去。四境騷然。椎肌剝髓。逃死無所。不事惟是。其於男也。或剖腹剜心。或抽筋斷脛。其於女也。或先淫而後割乳。或勒贖而復輪姦。極人世未有之慘。開千古罕觀之奇。每念及此。心碎鼻酸。嗟乎。誰爲爲之。孰令致之。而一放於此乎。邁嘗推究其故。竊謂直接肆虐者雖爲匪其。而間接釀成者。實爲軍閥。苟無軍閥長期之內亂。則匪其無由熾。苟無各方挑撥之促成。則軍閥或不亂。窮其內容。雖甚複雜。追原禍始。誰爲厲階。吾實不能不太息痛恨於政客官僚三位一體之議員矣。回憶各屆國會。就中雖不乏賢。多數皆屬猪仔。夫以猪仔而爲人民之代表。其賣身投靠。禍國殃民。何足怪乎。今也復以選舉國民

會議代表團。蓋此次國民會議。爲本黨統一全國後第一盛典。代表人選。關係匪輕。約法之良否。黨國之安危。胥於斯會卜之。追維往事。猶有餘痛。思杜後患。須加預防。若欲不蹈以前之覆轍。則希注意下列之各端：

甲、選舉人應有之覺悟

- (一) 羣起注視選舉進行。勿持旁觀態度。
- (二) 遴選真正人材。勿以感情用事。
- (三) 不爲金錢所誘。不爲勢力所屈。
- (四) 絕對公開運動。掃除曖昧積習。

乙、被選舉人宜備之資格

- (一) 明瞭黨義。具有世界眼光。向能犧牲個人利益。爲民衆謀幸福者。
- (二) 後無背景。將來不至爲一派之走狗者。
- (三) 人格高尚。襟懷坦白。素有光榮歷史。爲一班所信仰者。

(四)對於國政得失。地方利病。能說。肯說。能做。肯做。敢做者。

果如是。則亂端泯。而公道張。不肯退。而真材出。黨國前途。庶其有焉。否則吾不忍言矣。道德薄能鮮。自安驕拙。賣律海上。於人無求。試觀歷將所抱四不主義(即不求官。不薦官。不怕苦。不怕死)宣示於衆。而知予志之所在。此次回轅。乃公言競選。得勿與素旨相刺謬乎。曰是不然。以前運動選舉。其動機多以個人利益爲出發點。視議員爲獵官罔利之階。以故未得之際。則詭譎百出。諱莫如深。既得之後。則爲所欲爲。肆無忌憚。其心目中。祇有一己之利害。國利民福。人格廉恥。非所計也。邁之觀點則異於是。以爲代表之爲物。係義務的。得之不爲榮。失之不爲辱。邁年將知命。憂患飽經。從未充任國會省會之議員。然每遇國政時弊。不問中樞地方。知之無不言。言之無不盡。爲民請命。不避難危。通緝久逾十載。下獄多至數次。固未嘗藉代表以託庇而增重者也。良以視代表民衆說話。爲爭盡義務。非爭權利故也。惟是選舉。係屬公權競選。法所容許。邁不自揣。對於國家。雅深興亡之感。對於桑梓。尤切披縷之忱。茲

既有此機會。姑試圖之耳。第尙有應奉陳者。邁係律師。隸屬自由職業團體。依法須與教育會律師新聞記者醫士等會混合選舉代表五人按照。記名連記法。一票可選五人。若蒙不棄。畀我一席。苟其不然。置之可也。持此種態度。係以堂堂正正之旗鼓。作磊磊落落之周旋。在國人視之。難免詫爲奇聞。在東西各邦。早已成爲習慣。我賴夙號文物之邦。度必有知予言實不謬者。父老兄弟乎。諸姑姊妹乎。所受荼毒。不爲不酷。痛定思痛。應加懲。須知此次國民會議。禍福繫於是。安危繫於是。孰吉孰凶。何去何從。惟熱思而審處焉。

編者按公開競選。本爲世界各國運用選舉制度之公例。亦即最善之方策。吾國國民教育不普及。固爲運用選舉制度之大障礙。但卑污成性之官僚政客。竟以公開競選爲忌諱。以秘密賄選爲常軌。每屆選舉之時。祇見酒樓戲館。熱鬧異常。作賄選之交易所。從未有見當衆宣佈政見。喚起民衆之同情。而爲公開之競選。以住因有猪仔議員。狗頭總統。等類之醜態百出。遺世界人類歷史上莫大之污

點。有識之士。靡不痛心。迨國民政府成立。遵照總理遺囑。召集國民會議。解決國是。深切言之。此會議爲吾國生死關頭。國家前途之晦明。胥卜於斯。其代表所負之使命。如是重大。民衆之選擇。宜如何審慎。但求得民衆之信仰。作選舉人之標的。舍競選人當衆宣佈個人政見外。別無良圖。上文作者。利用此種光明磊落之手段。誠值得吾人欽佩。惜多數競選人。仍持故態。穢聲四聞。略有氣節之流。莫不避忌。結果選出一般非驢非馬之敗類。充當神聖之國民會議代表。會議結果。除遵照政府業經擬就八十餘條之約法外。別無建樹。當時激烈之士。諷之爲猪狗會議。此亦良心之驅使。故出此憤激之言論也。

爲京市土地局長常鴻鈞誘奸鄧成立女士上蔣主席暨于

王兩院長書

蔣主席。于院長。王院長。鈞鑒。國於天地。必有興立。興立者何。人心是也。本黨秉承總理遺教。以三民主義爲天下倡。所以能用廣州一隅之地，掃蕩軍閥，摧陷廓清。竟於最短期間。頓奏統一之功者。並非全恃武力所能集事。良以民衆久在倒懸。希冀救國的三民主義。予以拯救。俾得解放故也。乃自莫都南京以來，泊已數載，招牌猶是。貨色全非。說的真方，賣的假藥。除斷然裁厘與努力收回法權兩端。差強人意外。其餘幾於無一是處。就中尤以政界污濁。軍人暴橫爲最甚。適非敢謂爲絕無賢明自愛之士。與有勇知方之材也。然十之八九。大都皆與以前官僚軍閥等量齊觀。或且遠過耳。適雖不肖。雅尙自好。生平服膺總理天下爲公。與其犧牲奮鬥無畏的精神。不惟藏之中心。並期見諸行事。立身則以文文山。謝疊山。陸象山。陶彭澤諸先正爲師法。宅心則抱定不求官。不擇官。不怕苦。不怕死的主義。對於政府當局。既已毫無所干求。自不至生怨望。則誹謗更談不到矣。茲爲此種激切之言。實出於良知驅使。迫而不得已。以上所謂政界污濁軍人暴橫。隨在皆具。勿違纖指。姑以首都近事證之。已足令人髮指。常

鵠鈞以堂堂市府局長。蕭彥超以凜凜不可一世的師長。公然串姦一異地飄零的弱小女子鄧成立。愛則亂。惡則棄。驅之弗走。叫譴爲妨害公務。罪名不能構成。頃復指爲反動。而捕向首都衛戍司令部去矣。以頂上上司的市長魏道明。竟爲屬下助纜勢。以爲國干城的師長蕭彥超。竟爲友人設陷阱。至於谷司令捕鄧根據何在。目前尚包含於秘密兩字中。而莫從懸揣。然不能不詫爲奇巧。世界各國。無論文野。皆有法律保障人民之生命身體命譽與自由。我國由今以觀。若條外然者。青天白日云乎哉。污天黑地耳。首都尚且如此。外省更當何如。大僚尚且如此。末吏更當何如。公等日以整肅紀綱。澄清吏治。促進法治。宣言於衆。對此不知何以自解。主席數載征戰。百計求治。孤心苦詣。原素欽佩。不欲力踐前言則已。否則。敢請立將市長魏道明。局長常鵠鈞。師長蕭彥超等。悉予撤職法究。以收人心而維國命。于王二公。職責所在。幸毋尸素。適慎愷之餘。急不擇言。尙希府賜裁擇。迅予施行。倘或目爲大冒不韙。必加罪責。則刀踞鼎鑊。在所不辭。區區之愚。竊以自己不成法治國。決難徹消領判權。法權不能收回。廢約更風。

無望。與其視顏而生。何如壯烈以死。至於鄂常兩方。皆昧生平。孰屈孰伸。非所計也。端此奉陳。即頌勛安。

與禁烟委員會查緝處處長李基鴻論公開烟禁書

子寬先生足下。夙欽隆望。無緣識荆。嘗於朋儕中。得諗足下素工心計。長於理財。頗爲財政當局所倚畀。又復信仰佛教。師事太虛。而且禮佛甚虔。材而有德。私竊佩仰。乃道高毀來。德懋謗興。國人咸謂政府近緣羅掘技窮。不惜止渴飲鳩。適足下以公開烟禁之計進。預料年可陡增絕大收入。遂邀激賞。事先派赴台灣考察日本政府征收烟稅辦法。以資借鏡。邇來設施。純係足下一手擘劃云。邁聞而大詫。以爲我國人之最可惡的劣根性。端在缺乏同情。不肯與人爲善。曾參殺人。古今同慨。足下何至出此。目爲謫言。絕不置信。乃巷談街談。衆口一詞。言及此中經過者。不惟確鑿有據。并復素負信望。又未必皆與足下具有私怨。職是種種之故。遇有三告投梭之感。用敢掏誠奉質。足下果有此事耶。抑傳之非真。含血相噴耶。于諺有之。千假難逃一真。事實勝於雄

辦。如其無之。直可視若狗吠雞鳴。果令有之。則宜碎屍萬段。夫鴉片之禍。由來酷矣。計自林文忠虎門焚土。中英構釁。南京之約。爲一切鎖枷龍錫之始。其實無異城下之盟。我先民之被屠殺。被剝削於是者。何可數計。全國凋瘵。外患頻臨。悉由於此。

滿清百政腐敗。禁烟尙極認真。乃滿清及諸軍閥所不敢爲者。今日號稱革命的國民政府。竟敢公然大冒不韙。民族生死關頭所係。自立國基礎上言。不可者一。

黨政機關，民衆團體，皆以廢約爲鵠的，外如各帝國主義者之百般刁難，內如四萬萬人之無術圖存。加倍努力。尙虞不濟。茲反側行逆施。自速其亡。自外交內政上言。不可者二。

禁烟爲總理遺訓所昭示。吸烟爲刑法明文所禁止。茲竟一切不顧，豈惟實屬反革命。同時自認不是法治國。自黨義法治上言。不可者三。

佛教精義。首重慈悲。從不能普渡衆生。亦富思利人利己。鴉片害人之烈。逾於洪水猛獸足下既爲佛教信徒。理宜遵奉教義。由今以觀。則口吟阿彌陀。心中揀青禾。

生有漸忤。死墮輪迴。自人格信仰上言。不可者四。

適與足下素昧生平。無德無怨。斷無無故相侵之理。以事關重大。誠默難安。言過直切。尚希鑒原。聞之萬拜善言。由喜聞鴻。足下有則改之。無則加勉。前車卽覆。愆蓋未晚。尚乞明白見復。以釋羣疑爲幸。

附李基鴻覆函

良翰先生道鑒。奉讀惠書。敬感愛我之誠。溢於言表。鴻自奉院令。以禁委會內查驗處。一切遵令而辦。未敢有所主張。鴻二十餘年。服務黨國。祇知服從命令。盡忠職守。近隨太虛法師。研究佛學。略知因果律。比法律尤嚴而且密。絕不敢由心造惡。自墮犁泥也。專此奉復。順頌台綏。李基鴻拜啓六月三十日。

爲公開煙禁上于監察院長書

于院長助鑒。我公爲黨國柱石。羣流仰鏡。遐邇共欽。此次禁烟委員會。陽假禁烟之名

。陰行公賣之實。舉國惶惶。如臨大難。適爲四萬萬中一分子不忍虛視宗邦淪胥。民族漸滅。夙夜徬徨。莫知所措。雖妄有論列。無如人微言輕。毫無補益。務乞我公速予挽救。或提出彈劾。或建議中央。俾彌天大禍。消於無形。則全民拜公厚德於無既矣。垂涕上陳。祇候諭復。順頌勛安。

爲公開煙禁警告禁烟委員會委員長劉瑞恆書

查貴會負有禁煙專責。依據禁煙法。暨禁煙施行法規所定。關係甚大。理應如何認真進行。乃近閱各報。陽假禁烟之名。陰行公賣之實。狂妄無恥。中外震驚。本律師初尙以爲傳聞失實。未敢信以爲真。詎非難逢起。迄不更正。殊出意料之外。不知執事何以膽敢冒茲不韙。顯觸罪刑。本律師負有維持法律。保障人權之天職。且有收回法權。努力廢約之苦心。對此謬舉。不禁皆裂。執事果係甘心爲惡。自絕國人耶。抑或別有指使。附和隨從耶。爲特專函奉質。希於信到四十八小時內。明白答復。否則本律師惟有依法周旋上訴政府提倡法治之精神。下除國人公衆之仇敵。無謂言之不預也。

爲公開煙禁致江甯地方法院檢察處函

逕啓者比閱天津大公報。上海新聞報。申報。及本京各報。登載禁煙委員會。（會址在貴轄登陸巷）遍設查緝處於蘇、浙、贛、皖、閩、豫、諸省。估價包稅。肆無忌憚。陽假禁煙之名。陰行賣煙之實。純由該會發縱指示。此種破壞法律。危害民族。背叛黨國。蔑視道訓之不法機關。及一班國賊。各犯罪行爲。諒貴處必有所聞。依法應即追訴。乃竟袖手傍觀。視若無睹。竊甚不解。查刑法第一百三十三條開。有追訴犯罪職務之公務員。犯左列行爲之一者。處一年以上。七年以下有期徒刑。又同條第二款後半段開。明知爲有罪之人。面無故不使其受追訴處罰者。由此以推。則貴處不能不負相當之責。矧今號稱革命政府。一再以促成法治。昭示於衆。本律師與檢察官。同爲司法機關重要組織之一員。對茲大道不道。絕無僅有之犯行。有特別注意。格外努力。發揮職權上的作用之必要。若或瞻顧徘徊。恍於個人利害禍福之私見。罔計國家民命法紀之存亡。尸素貽議。其事尙小。瀆職有罪。所關實大。爲此奉達。請煩查照追訴。以懲巨慝。而肅

國紀爲幸。此致江寧地方法院檢察處

編者按

讀上列各篇論述。有不能已於言者。夫鴉片之害。盡人皆知。以滿清之昏瞶。尙知危害民族生存。作拒毒之戰爭。迨民國興起。鴉片之禁弛。軍閥私相包運爭售。利國收入。藉資屠殺國人。總理既痛逐清鴉片戰敗之恥辱未雪。復觀民國軍閥內爭之殘暴可懼。以及民族日趨於孱弱。國家生存之前途堪危。故再三詔示國人。誓死拒毒。挽救危亡。豈一朝一夕受

總理拒毒訓誨之黨員。竟喪心病狂。敢爲軍閥所不敢爲。公開烟禁觸犯國家刑章而不畏。流毒人民。敢爲國民公敵而不懼。利國收入。飲酖止渴而不惜。違背遺訓。破壞黨綱而不顧。想總理有知。安能瞑目地下。國人未死。豈甘束手待斃。願國人誓死奉行總理拒毒遺訓。本救國救民之旨。喚醒甘冒不韙之國賊。無希求彈小而無彈人之監察院。檢民而不檢官之檢察官。作螳臂當車之妄念耳。

爲四全代表運動敬告同志書

各級黨部同志均鑒。本黨爲中國國民黨獨負建國治國之重任。外禦列強之覬覦。內膺全民之囑望。又復丁茲統一告成。取得政權。爲所欲爲。儘可盡量發展抱負之頃。乃官貪吏污。紀綱全墜。土匪逼國。民不聊生。微但較諸滿清末造軍閥盛時。毫無進步可言。或不甘滿遠甚。反復思維。不得其解。繼念黨的基礎。建築於民衆。民衆既已與黨脫離關係。於是接近民衆。真正能爲民衆謀利益之革命份子。不能立足。或早灰心。而一班無恥之徒。乃得乘虛而入。從事腐化焉。以吾所知都市之黨部。則多數衙門化。黨員則官僚化。鄉鎮之黨部則多數公所化。黨員則土劣化。民衆對之只覺其可怕可恨與可恥。與庚子以前。對於天主耶穌等教。主教教士。牧士對民相恍恍。由此以往。恐有土崩之虞。建國適以滅國。治國適以亂國。嗟乎是豈本黨黨義黨綱之咎戾。實黨狗黨賊之罪惡耳。謂予不信。請觀首都黨部如林。成績安在。他無所見。惟見蠅營狗苟。運動四中全會代表之怪狀。他無所聞。祇聞卑鄙齷齪。運動四中全會代表之穢聲。當街問票。恬

不知恥。酒食交歡。毫不爲怪。公然開議。交換條件者有之。轉機拜託介紹者有之。幾疑置身曹琨賄選時代買賣猪仔之市場。諺云龍生龍子。虎生豹兒。又云。種瓜得瓜。種豆得豆。以如斯只貪口腹。只知私利之黨員。選彼人格卑下。黨德掃地之代表。負那以黨建國。以黨治國之重任。其結果尙可問耶。選雖不肖。忝屬黨員一份子。睹茲活劇。殊切隱憂。不知巍巍在上之領袖。紆紆往來之同志。亦曾顧慮及此。有以糾正否。特進忠告。幸垂察焉。

由首都衛戍司令部獄中上蔣主席書

蔣主席鈞鑒。敬肅者。適於昨晚。(即十七年十二月十三日)突與首都反日會常委夏天嶺捕。不知究犯何罪。得毋適主張驅逐日本代表床永出境。主席在中央黨部訓話時。憤我不遜。出言過難。有防觸怒乎。夫以黨員糾正同志。國民鞭笞政府。主人訓誡公僕。措詞縱有失檢。其情不無可原。矧防口監謗。不乏前車。重裘自修。昔有明訓。主席方以一身而肩天下之重。海涵地負。尚虞不濟。豈反示人以不廣乎。適生四十有三年矣。自

分憂患難。與彼浮躁不諳世故之少年有間。而且服膺三民。向抱四不（不求官不荐官不怕苦不怕死）榮辱禍福。早未介懷。祇以疾首外侮憑陵，內訌靡已。同處危巢之中。勢難袖手。即有越軌之處。殊非本心。端怖惴忱。惟主席留意垂察是幸。

代江西旅京同鄉會警告安徽省主席陳調元書

陳調元先生大鑒。先生落伍之軍人也。反覆與馮玉祥石友三爲伍。貪暴與張宗昌齊燮元同科。兩主皖政，萬惡畢陳。祇以時局机棹。叛賊繼踵。蔣公秉總理偉大之精神。曲予含容。民衆體當勸應付之棘手。勉相隱忍。先生所由得保位。乘時漁利者以此。乃竟野性難馴。破壞煙禁。人民切齒。置若罔聞。在先生以爲國方多難。茲既盤踞長江中樞。舉足左右。立見輕重。顧盼自雄。孰敢予侮。殊不知民猶水也。水能載舟。亦能覆舟。民於先生。惟有厭恨。絕無美感。最好丁茲志得意滿之頃。速爲急流勇退之謀。若或雌伏未甘。則宜效周孝侯之自新。趙充國之遺烈。率兵屯壘邊疆。樹萬世不朽之偉業上也。否則退營教育。實業。稍盡國民天職也。更不然者。先牛宦囊早裕。姬妾滿前

。優游津滬。聊以自娛。又其次也。倘昧止足之戒。尚作無厭之求。在皖不安於位。思從贛省繼得主席。藉換空氣。轉移視線。姑無論我贛百無一有。僅餘惻隱。毫無可欲。不必有勞玉趾。吾三千萬人。素震先生之稱名。實在不敢傾致。特進忠告。務祈三思。榮辱禍福。幸審處之。江西旅京同鄉會謹啓。

代江西旅京同鄉會拒絕陳調元調贛致蔣主席電

蔣主席鈞鑒。頃閱本月十八日。京中各報。載皖陳將調任江西新聞一則。內有安徽省政府陳調元氏。近日迭向中央提出辭呈。即欲解甲歸田。以資休養。國府念其功在黨國。決將陳調任江西。遺缺以張之江熊式輝二人中任擇一人繼任等語。竊訖不勝駭怪。查陳氏以軍閥餘孽。貪鄙小人。本不知革命爲何事。素視民衆如無物。蹂躪全院。嗟怨朋與。前此江安輪船包庇連土。此次禁烟查緝處。獨不撤消。無處不見該氏罪大惡極。國家稍有綱紀。早應明正典刑。乃鈞座藐視總理拒毒之遺訓。弁髦舉國共守之法律。置監察院之彈劾於不顧。屏全民衆之公論於不聞。一意孤行。好人所惡。且謂其功在黨國。

究竟不知果何所指。鈞座瀕年征戰。勞苦已極。但有天良。孰不佩傾。惟對軍事。實具專長。一切措施。殊多乖謬。卽以吾贛而論。倘無朱培德之容共。張耀環之縱匪。何至釀成輓近浩劫。先是歷年呼籲撤朱懲張。毫不採納。致有今日。應有悔悟。茲於天災人禍交迫之中。禽獮草薶之後。尙恐子遺倖存。更使著名民賊陳氏來贛。爲最後之誅夷。不審究與贛人何仇。須知我贛自古忝號節義之邦。巨廬巍峨。彭蠡浩瀾。民有特性。決非偶然。吾儕雖懦。雅沐文文山陸象山謝疊山陶靖節諸先正之遺澤。三千萬人中。有威武不能屈。貧賤不能移。富貴不能淫之大丈夫在。斷斷非可一味壓制芻狗目之者。務懇鈞座卽將皖陳調贛一節。有則速寢其謀。無則更加注意。以泯糾紛。而安輿情爲幸。江西旅京同鄉會叩。皓。

爲台灣日警毆傷上海水產學校學生葉航民李兆輝二人 通電

全國各級黨部。各反日會。暨各團體鈞鑒。日本欲實現其大陸帝國之策略。完成其

北進滿蒙之好夢。處心積慮。已非一日。尋釁肆毒。愈趨愈兇。濟南之尸骨未寒。漢皋之血跡又見。狼子野心。伊於胡底。予剪予屠。其何以堪。我以四萬萬民衆。廿餘省領土。五千年文化之大國。卒不能與彼麼麼小醜。百無所有之島賊。一決雌雄。而任其踐踏。莫與之抗。試翻閱古今中外之歷史。曾有如是可悲。可痛。可恥。可憐之紀載。頃閱本埠二月四日。新聞報載。台灣日警毆傷我國學生一則。讀畢全文。不禁肉跳。上海吳淞水產學校學生葉航民。李兆輝一人。赴日視察水產。途過台灣。毫無違警犯法之處。乃彼賊基隆負責警官。竟敢以你支那學生。反仇我日本帝國主義爲理由。而加以拘捕。毆打。水淋。倒拖。刀戮。種種無人理之非刑。由此以觀。吾儕尙復有生息天壤之餘地耶。漢口某輪。與我政府絕無關係。彼廣尙可藉口江防局所有。而加以擄掠。堅不放還。茲彼堂堂正正之官吏。乃能以我國學生不應愛國仇日爲理由。而擅予虐待。若以其道而反其身。則吾四萬萬衆。惟有節日拔劍而起。挺身而鬥。人自爲戰。見賊卽殺。必使短腿大鬍之島賊。無噍類於人間。寢其皮。食其肉。方可稍雪我國數十年以來之恥。

辱。略吐全民所含之怨氣。然我政府。素好穩健。凡我同胞。又嗜和平。上焉者。方與芳澤從容於壇坫。下焉者正在打鑼擊鼓以度歲。舉國恬嬉。歌舞昇平。素負東亞病夫之盛名。又無杜蘭斯哇之犧牲。與夫斯巴達之勇武。對牛彈琴。曷足語此。去年十一月十三日。適在首都參加反日市民大會。不過說了幾句驅逐床次的空話。尙蒙投諸獄。而幾乎置之死。果以上述報復辦法。號召於衆。行見賊之毛髮未傷。我之妨害外交罪名已定。先爲斷頭台上之鬼矣。惟子輿有云。無羞惡之心非人。無惻隱之心非人。羞惡屬恥。惻隱屬仁。我既巍然面目。戴髮含齒。顚圓踵方。而號爲人矣。彼賊戾劉我國家。應否知恥。殺戮我父兄。應否知仁。若知恥知仁。則當此忍無可忍。讓無可讓之絕境。計將安出。仍聽政府交涉耶。其惟一方法。不過抗議。加重分量。不過嚴重抗議耳。抑恃抵貨制之耶。其屢次熱度。不過五分。充類至盡。不過十分。檢點成績。悉等於零。昔班定遠以區區之數十從者。連下西域各國。忽必烈以蠢蠢朔漠之徒衆。踏破東歐諸邦。卽當今之土耳其。不過一彈丸蕞爾之國耳。亦能發奮爲雄。一鼓作氣。使強俄不敢小覷。

列強不能侵略。彼人我人。有爲若是。證今援古。絕無可疑。則吾輩可以知所從事矣。邁素仰諸同志熱心反日。用特奉陳。尙希切實討論。提出對策爲荷。

爲上海律師公會執監會濫用職權通電

全國各級黨部。各法院。各機關。各團體。各報館。各律師同人。暨全國律師協會各執委鈞鑒。邁因前向中華民國律師協會。建議律師四大改革案。卽（一）屏除嗜好。（

二）研究黨義。（三）參加革命。（四）提倡俠義。自問本屬老生之常談。不料竟觸局部之大忌。橫遭譏議。如罹重杖。茲特訴諸司法行政部。請判曲直。其文曰。呈爲上海律師公會第十六次執監聯席會議。濫權違法。蹂躪法案。妨害公格仰祈鑒核糾正事。竊委員頃閱上海民國日報。載本年四月十四日上海律師公會第十六次執監聯席會議議決案第四項內開。譚毅公提議吳邁代表此次在全國律師協會（以下簡稱律協）提議關於屏除嗜好案件。未經本會審查議決。擅行提出議決。應致函律協。請將該代表。及其提案。一併撤回等語。閱及不勝詫異。查委員代表資格。係由上海律師公會會員大會所賦予。該執監

會有權撤回與否。尙待研究。就令有之。上海律師公會。既爲律協組織之一員。當然不能不遵守律協之規約。謹按鈞部核准中華民國律師協會簡章第十八條。本會會員如有毀壞本會名譽之行爲。應依執行委員會之決議。予以除名處分。並函知原選舉之律師公會補選。第十九條本會會員如滯納會費。至一年以上者。得令退會。第二十條本會會員經原選舉之律師公會。函知喪失律師公會會員資格者。即視爲喪失本會會員之資格。委員既無構成上開各條會員除名。及退會之原因。不知該執監會。究以何種權力。擅行出此。又查委員原提案之內容。係按律協簡章第二條第四項。關於維持律師風紀。及律師共同利害之事項而提出。並無違反法規。及委託人意旨之處。目爲廣淺尙可。指爲不合則不可。至責委員不應擅將未經該執監會審查議決之案提出。是又不然。查代議制度。普徧世界。既選爲代表後。在不違反委任人之意思範圍內。猶制限其提案權者。自分學淺。尙未前聞。即如此次律協代表。多至十餘省。不下數十人。各個自由提案。並無先經各該公會審查議決。而始提出之先例。即謂上海一隅。情形特殊。亦應事前加以限制。

。方始有所遵循。既無表示。何從逆料。不寧惟是。劉祖望同一代表也。在大會及執行委員會中。雖無書面提案。不乏臨時動議。事同一律。功過迥殊。更不可解。委員提案經十餘省代表之連署。大會慎重之通過。依法已成律協一種不可動搖之法案。該執監會率請撤回。尤駭聽聞。果如彼之所爲。則律協立須瓦解。反復思維。實不知其用意所在。將謂全國律師無一嗜好烟賭者歟。恐爲事實所不許。抑謂因其在多有。遂咎不應自暴其短歟。則維持律師風紀之謂何。且也與其諱疾忌醫。欲蓋而彌彰。曷若壯士斷腕。毅然以自灑。證諸最近各方向鈞部告發上海律師各案。尤見委員提案之重要。與夫律師風紀之不可不整頓也。委員竊直性成。區區之忱。不過欲圖同道人格之向上。自分毫無私意。隱維於其間。至於代表去留。本無足計。惟爲貫徹主張。防衛公權起見。對於該執監會。濫權違法。蹂躪法案。妨害公權之決議。不能接受。爲特隨陳頌末。藉明是非。理合備文呈請鈞部。俯賜鑒核。伏乞明白批示。嚴令糾正。以維法紀。實爲公便。謹呈國民政府司法行政部部長鑒。中華民國律師協會執行委員吳邁印等語。邁爲此舉。初非

好爭。因該執事會雖不乏明白事理同情諒解之人。而其別有懷抱者。必欲實爲排斥攻擊之具。遍騰各報。意存挫辱。一則曰將該代表及其提案一併撤回。再則曰撤回該代表之提案。惟關於撤回該代表一層。暨緩執行云云。一似適已大冒不韙。業經科罪而緩刑然者。橫逆頻加。難再忍受。特陳原委。並附原案。以明真相。而供批評。尙祈各界贊成。主持正義。不吝賜教爲荷。

「註」原提案見前

籲請國府免加江西田賦通電

各報轉各界鈞鑒。我贛父老兄弟姊妹。受痛苦久矣。已往難數。最近如贛東、贛南、贛西、贛北，各縣。匪共猖獗。縣長且或被殺。或被逼投江。而殺人放火之慘劇。更時有所聞。京滬各報。登載最詳。又萍鄉商民協會之代電。令人一閱未終。心已如割。不料商省政諸委。竟於此短期間。呈請國府加我全省田賦二成。揆厥用意。一以報我父老兄

吳邁叢書之一

五七

弟姊妹之反對。一以不利後來者之進行。借人酒杯。澆我壘塊。天良尚在。其忍出此耶。旅京鄉人。以痛切肌膚。迭開會議。誓不承認。一面呈請國府。不准所請。兼蒙洞鑒。一面函電京外同鄉。共同救濟。竊思此等苛政。卽計以暫時。已受剜肉醫瘡之害。若援爲定例。尤形水深火熱之危。我省新任諸公。必本良心之主張。不爲他人所利用。在昔軍閥時代。別省預征錢糧。論者猶以爲過。國府並有制止之命令。何況加征。且田賦爲國家正稅。必須全國一律。尤不能各省自爲風氣。致蹈割據之嫌。恭讀總理遺教。及黨政軍迭次重要宣言。動謂爲民衆謀利益。爲民衆除痛苦。今我省前委乃盡反其所言。待我如此。不如無生。此我三千萬父老兄弟姊妹。應當同爲顛怨。以解倒懸。卽至力竭聲嘶。尚有一息未斷。亦萬不能忍隱受也。臨電鳴咽。諸維亮察。

爲漢口法水兵槍殺我警士通電

全國各級黨部。各機關。各團體。各學校。各報館均鑒。頃爲法國水兵槍傷我警士一案。致函警告法領。文曰。博德斯先生大鑒。前在漢皋。猥承推輿。感甚。頃閱報載。貴

領事對貴國水兵槍傷我國警士一案之抗議。一則曰履行中法各條約。法僑應受法國當局之裁判。再則曰法水兵不能作爲二膠路亂放槍之負責者。並欲我當局於道歉之外。對我盡職警士。尚須加以懲辦者。不勝駭異。查於事出時。在臺事地點所捕獲之葛卿。及貴國之二砲手。顯有爲該案現行犯之重大嫌疑。我警士立加拘捕。爲職務所應盡。投諸法律。毫無過當。該水兵有罪與否。自應候敵國司法機關之審判而確定。不料值我政府已宣布撤廢領判權之後。我全國民衆誓死擁護收回法權之際。貴領竟斤斤於此種與國際相互平等原則大相背馳之既廢條約是求。實與貴我兩國之親善上。不無遺憾。矧貴領事置水手之暴行於不問。反向我作此溢于情理之抗議。尤足扼腕。希將兇犯迅即交由敵國法庭。依法裁判。以篤邦交。而免糾紛。非特我國民衆所切盼。抑亦貴國責任所憑繫也。用特竭誠奉達。尚希賜復。順頌公綏。中華民國律師協會執委兼宣傳主任吳邁等語。尙祈一致主張。俾彼就我範圍。收回法權。得以實現。國家幸甚。無任盼禱。

爲張輝瓚電請國府查辦吳邁等致電蔣主席譚院長暨江

西省政府魯主席電

國民政府主席蔣。行政院院長譚。江西省政府主席魯。均鑒。頃閱申報載。張輝瓚請澈究蜚語新聞一則。內有旅蘇贛人吳邁等演說。對該省前主席朱培德。及魯主席謙平。橫加誣蔑。並謂在贛勦匪部隊。勾結匪共等語。請澈查明白。虛坐實究云云。披覽之餘。不勝詫異。查該救贛緊急大會之召集。係旅贛江西同鄉會。應大批逃難來蘇贛人之請求。邁等演說。完全根據彼輩報告。提出討論。籌商濟難辦法。其範圍止此。朱主席事經過去。不成問題。魯主席於私。雅辱垂愛。感且勿追。於公情多可原。誣蔑何有。至謂在贛勦匪部隊。勾結匪共一層。爾時並無此言。邁雖不敏。薄有法律常識。事無證佐。詎能信口開河。凡上所陳。悉有紀錄。但加調閱。即可證明。散會後。邁即離贛江。至該地報紙之紀載如何。邁未寓目。無從推知。就令登載失實。儘可據實質問。邁若承認應負舉證之責。苟予否認。自有更正之方。乃計不出此。率控府院。盛氣凌人。已屬失態。痰狗相詆。更落下流。繼思勦匪部隊。被指爲勾結匪共。情節非輕。其電請澈究。

藉以自明。似亦未爲太過。敬煩轉諭。免生誤會。惟邁姑母碎屍。兄弟離散。老母被圍。死生未卜。引睇閭里。無淚可揮。此猶一身一家之災耳。閩省八十一縣。幾無淨土。三千萬父老。盡淪浩劫。其罹禍之酷。較邁百倍者。尙難數計。誰爲爲之。孰令致之。張師長稍有天良。應爲惻惻。反省職責。其謂之何。贛人命輕微賤。宜埒大馬。禽獸飲刃。且可婉轉哀號。逼省被屠。反禁羣聚呻吟。天乎人乎。抑何可憐至此。茲丁三省剿匪工作正屆緊張之頃。尙祈嚴令該師長努力殺賊。毋分神於掩蓋。重裘自修。緝明訓於昔賢。假使罪及腹誅。第見徒勞。效鑒監謗。可鑒覆轍。邁生四十四年矣。飽經憂患。備受挫折。正義所在。罔計死生。被縱有所挾以相陵。邁更行所信而無恐。絕非可以威劫勢逼者。頃已蚤夜入都。躬詣府院。聽候制裁。請加發落。肅此奉達。並頌助安。


吳適叢書之一

六二

編 下

文

藝



蛛絲

藐躬懷壯略。位置每自高。棟樑寄此身。維繫累萬遭。形同八陣圖。腹似蠶針綯。經綸任展布。宵旰忘劬勞。功成御中樞。端拱朝羣曹。時開一面網。成湯需澤膏。初類霜能爾。矧復在人豪。

詠燭

炎炎風垂箴。胡爲炙手熱。豈不諳怙悔。曖昧非所屑。風搖燄益張。日暮光愈烈。赫振下千行淚。非是懷恨結。緣彼心地明。夷險善鑑別。環境縱黑暗。不虞遭蹉跌。這替事品珍。堪羨在皎潔。感茲凝長想。無立獨怡悅。

詠藕

觀藕荷池裏。殊擬慣染說。生來習泥滓。何曾受緇涅。宅心潔而精。皎皎如白雪。持身剛而直。凜凜有大節。玉質由天賦。迥與凡彙別。勢將欲化龍。池中非所悅。因未

生鱗甲。待時在窟穴。

仿塞下曲

用高適元韻

壬戌元宵在武昌青石橋寓內作

檣懷投筆志。杖劍去從戎。不學一八敵。欲爲萬夫雄。暗鳴崩山岳。叱咤走雷風。右手作露布。左手持箭弓。誓爲胡裂。冠被怒髮衝。長驅瀚海塞。橫掃王庭空。一身既許國。百戰不言功。解袍滿碧血。奏凱入白宮。慷慨歸邦人。炎運正無窮。男兒事何事。芳蘭邁華翁。

德皇維廉第二

壬戌正月十八日作

維廉雖失敗。我殊致景仰。挾彼叢爾國。雄飛世界上。遠東有大邦。對此作何想。

述懷

自從入宦海。蠅營雅不肖。樂命復奚疑。食貧焉足說。矧今舉措間。未必柱直躬。瞻被南山竹。猗猗勵高節。撫茲東嶺松。鬱鬱凌皚雪。物各有本性。忍將吾道折。願言

持此心。岸然常卓絕。

遠眺

放眼長空矚宇寰。崑輪湧出萬重山。無邊光景知何極。不盡大觀總不還。

遊廬山龍潭

十九年七月

科頭赤脚坐石梁。時復枕石臥羲皇。濯纓濯足人自取。卻此依稀到滄浪。

早登廬山擲筆峯

十九年七月

早發大林寺。獨登擲筆峯。足底飛白雲。耳際漾清風。卓立絕巘山。已在重霄中。萬物到眼小。一覽天宇空。

廬山大林寺刻石詩

附跋

讀書大林寺。航空來自天。泉石向所好。國恥苦未滿。衆志乃成城。斯任須並肩。亦壁意云何。願言其勉旃。

「跋」民國十九年運動宣傳廢約使者餘江吳邁題並書

和李肖白君直泮道中元玉

壬戌正月廿七日作

聞鷄起舞已深宵。耿耿憂思萬里遙。何事衰中門困獸。宜從海外遏狂潮。愴懷國脈嗟將絕。蒿目民生慨不聊。撥亂反正皆有責。興亡陳迹永難消。

其二

千金散盡不私家。一擊椎秦博浪沙。深許張良饒懷烈。却哈李白辯烟霞。陶公運甓儲雄略。桓氏攀條感歲華。未際風雲龍應蟄。池中鰓屈莫咨嗟。

燕

二月初一日作

梁上有燕子。呢喃殊自得。出入蓬蒿間。往來溪澗側。結巢啣泥草。果腹覓稻麥。勞勞歷春夏。弊弊殫精力。掠地空盤旋。摩天缺健翮。但恨乏遠謀。所圖錫咫尺。偶聞颯颯鳴。驚奇翻恐嚇。瞥見鴻鵠飛。錯愕莫揣測。度量實相懸。彼燕安足責。

詠菊

淅瀝西風起。羣芳一掃滅。菊在東籬下。挺然持高節。兀岸聳孤標。不爲勁秋折。霜嚴骨益傲。氣厲香愈烈。看花比黃金。含韻同玉潔。秉質因殊衆。遂與凡卉別。不若經歲寒。何知爾卓絕。

和陳暢清兄弟二首

附序

暢清兄弟。以詩見示。讀而樂之。不覺技癢。率和二章。仍步元韻。暢清時宰漢川。予爲漢川驗契局長。同事一方。感情極厚。暢清姓陳氏。名教功。桂林陳文恭之裔也。戎馬倉皇逾十春。人材端的是誰真。雌雄未決先遺禍。箕箒相殘孰造因。蠻觸祇堪供一笑。鷹揚纔足獻斯身。男兒應作回天想。那效長沙事鬱憤。

其二

黃金時代係青春。應惜韶光語却真。每悔蹉跎成惡果。雖思展布乏良因。亡羊幸有補牢策。勵志仍餘填海身。不使芳名同腐草。只宜努力勿宜嗔。

鯤鵬

壬戌正月廿三

爾生負異質。壯懷鬱未伸。偃蹇困溝壑。偃仄傷心神。焉能久坎壈。會當邁等倫。忽乘風雲起。縱躡滄海濱。破浪撼蓬島。擊水震紫宸。神奇素叵測。化爲大鵬身。浩然欲圖海。高飛不可馴。踏天作霖雨。滂沱灑九垓。翱翔雲衢上。俯瞰萬象春。

遊金山寺口占

嶙峋寶塔上撐天。俯瞰長江路八千。凌空一嘯山河動。逸興遄飛意欲仙。

由杭赴寧波宣傳收回領判權道經餘姚懷王陽明先生

知行合一說。倡導自陸王。惟公道尤顯。至理被殊方。倭奴拾餘唾。國勢用以張。完成維新業。巋然儕五強。吁嗟我中土。頑鈍良可傷。瑋寶遺塵垢。珠玉亦糝糠。坐令

天府國。奄奄就瘠瘵。我竟不自揆。思欲振國光。禮失求諸野。補牢鑒亡羊。填海師精衛。揮戈法魯楊。杖劍走萬里。栖栖復皇皇。浩蕩挾風雷。踔厲凌冰霖。至誠開金石。痛砭起膏肓。馳驅杭甬道。寧波更錢塘。中有一小站。云是公故鄉。肅然爲正襟。式聞意彌莊。低徊不忍去。千載遙相望。征車連流電。引睇徒徬徨。道統今何屬。私淑未敢忘。神兮若不昧。會將我默相。民胞物與懷。耿耿篆中腸。祖國固須拯。還須拯八荒。富貴非所願。所願斯世康。異代感同心。依依託門牆。中懷何所有。心餘一瓣香。雪花撲面來。精神益飛揚。慷慨發浩歌。擊劍聲鏗鏘。熱忱抗敵威。素履映寒鉉。一腔磅礴氣。沛乎塞穹蒼。

過曹江娥有感

曹娥江上憶曹娥。江上徘徊感慨多。親舍白雲無限意。慈顏爲問近如何。

其二

栖皇禹域十三年。五過閭門馬不前。定有烏思存白髮。怎如杞國總髮天。

寓意

怒鞭鐵馬到懸崖。萬丈幽潭越過來。不教將軍行險道。那知勇斷是雄才。

在都徧赴各學校各戲院演講收回領判權冒雪奔馳

詩以紀之

冰天雪窖任馳驅。咆哮征車度若飛。到處運將廣長舌。欲憑三寸起衰微。

贈魯主席滌平詩

天下無難事。只怕有心人。一旅曾興夏。三戶且亡秦。矧今吾與子。泱泱大國民。山川盡磅礴。民物更阜殷。因膺天府號。雅著文明稱。憑藉既如此。國勢宜蒸蒸日上。胡爲適得反。翻被四夷侵。問嘗求其故。民族乏精神。頑鈍兼無恥。麻木復不仁。發奮展雄圖。舍我情誰任。既負興亡責。焉能辭苦辛。盤錯別利器。詆諆資砭針。蹤與艱難會。

端合笑顏迎。拿翁無難字。納氏無畏心。皇皇兩鉅子。允堪作典型。繼以鏗不舍。力能虧石金。不見彼蠅蟻。穴孔堤爲傾。不見彼井欄。繩勒石痕深。果能明斯道。毅力自倍增。說甚成吉斯。說甚拿破侖。有爲亦若是。吾子豈未聞。移來每居上。藍恆遜於青。願言共奮鬥。努力趁前程。總理垂遺教。主義須服膺。寧惟自解放。還當抱不平。印韓速緬越。皆吾弟與兄。環球諸弱小。一一使復興。此責無旁貸。大同勸必臻。古人不予欺。有志事竟成。知子饒深意。書之以贈君。君如不我棄。祈君書諸紳。投筆舞長劍。浩瀚氣縱橫。矯首望八荒。笑看風雲生。左券早在握。最後鐘五分。

示三弟良聘

人生天地間。當知有所事。其事竟何云。不外乎立志。堪笑世俗子。無端競奔走。赴牆且逐臭。蠅營兼狗苟。夜來魂夢。入室慚妻子。靡恥如尚存。悲哉惟有死。生茲雄邦內。儘可展鴻圖。或則事林礪。或則事農耨。獨立莊自尊。孰敢予侮乎。

由漢飛航至京口占二絕

大江蜿蜒山盤陀。旣瀾漫兮巍峨。上下顧盼十萬里。引吭天際發浩歌。

其二

疊身青雲上。俯瞰萬彙小。豪情籠坤軸。騰蹕在天表。

贈江九日領河野清詩

亞陸有怪物。一睡五千年。偉大莫與京。雄奇語難宣。旁有一獵夫。窺伺久垂涎。彼特忽崛起。跳上崑崙巔。引吭破霄漢。跌足振坤乾。飢餐熊羆肉。渴飲蛟龍涎。狐鼠固屏跡。虎豹亦驚潛。長空憑顧盼。大地任挪騰。神威奪百獸。猛烈冠埏埏。獵夫何乃愚。休矣速改絃。執迷如不悟。終將遭噬吞。咀嚼逮消化。猶若反手焉。及時知止足。庶幾尚可全。所望彼獵夫。勿河漢斯言。言已盡如此。慎旃復慎旃。

杭縣律師公會歡宴於西湖卽席口占

【附序】

杭縣律師公會歡宴全國律師協會代表於劉莊莊。主劉學詢君亦在座。據謂東西各國來遊者竟年鮮虛日。咸稱爲東方文化之結晶云。允足當之無愧色。卽席口占一絕以美之。劉陸民費廷瓚李時蕊胡震各代表。皆有和章。喜可知矣。

幾生修得到。棲遲西湖邊。道遙畫圖裏。飄飄疑欲仙。

遊靈隱寺有感

「附序」

江西旅杭同鄉會招飲靈隱寺感賦。南昌萬國藩君書以鐫諸石壁。

靈巖多珍禽。翔集在林表。知否巢將覆。奮飛須及早。

偕南洋華僑羅君次啟遊寶山道經龍潭有感

龍潭經大戰。感慨弔國殤。相研皆兄弟。何苦自閹牆。

送林品三先生回憶語

吳邁叢書之一

孔孟之傳。有王與陸。發揚光六。厥爲二曲。悔過自新。是其骨髓。簡切了當。本心直指。愛人以德。實爲品翁。示我周行。庸我鄙衷。其道爲何。並無長物。殷殷持贈。二曲全集。

贈符惠然

二曲有言。悔過自新。苟或怙惡。是爲非人。爲聖爲賢。爲豪爲傑。祇在力行。不在多說。勉矣符子。尙其念哉。光陰瞬息。時不再來。

贈黃人庸先生

姜桂之性。老而愈辣。願公崛起。雄心勃發。矢勤矢忠。必勇必決。攜手奮鬥。以救我國。

〔附序〕

受三同志。予忘年友也。曩者驅戚拒丁。主張贖人治贖之役。予被通緝。走京師。

同志慰讎有加。到今猶依依在目。茲時已曷。勢已殊。不惟民衆福利未見。而深熱益甚。不其惆歎。革命無止境。吾力不可緩。同志當有同感焉。

題岳武穆像贊

附序

猶歎我公。萬世之雄。智勇仁嚴。報國精忠。貌焉小子。緬懷英風。時代雖異。環境則同。我族不競。四夷交攻。山河破碎。羣衆朦朧。大聲疾呼。猛掃驚鐘。蹴起睡獅。叱咤亞東。首圖解放。大同是終。夙夜匪懈。憂心冲冲。有志竟成。成竹在胸。十年踏日。計日程功。豈敢誇大。苦心經營。伏祈不昧。曠啓我衷。瞻彼前途。希望無窮。浩浩蕩蕩。鬱鬱葱葱。振臂一呼。壯志貫虹。載賦同仇。一致衝鋒。

右爲予題岳公肖像於其文集卷首之詞也。予生今日。當各帝國主義者交侵之衝。尤以日本島賊爲最酷。去年首都反日。驅逐床次。面折樞要。因以下獄。讀公滿江紅諸詞。恍若出自洩心然者。崇拜之餘。莫名歡忭。故援筆題此。並誌其顛末云。十八年三月二十六日

贈陳瘦鵠先生

錯節盤根。足別利器。征服艱難。厥惟剛毅。爾笑爾非。皆因衆醉。爾撓爾阻。再接再厲。拿翁字典。從無難字。凡我同志。應解斯義。昂哉瘦公。何憂何懼。

贈朱芸生同志

東方病夫。惟我與土。土已自拔。我尙痛楚。相形之下。何以自處。勸彼玉食。休爭權利。共息內訌。稍立志氣。世界舞台。好爭地位。其豆相煎。識者唾棄。無論勝負。不儲一嘆。

贈詹鳴歧律師

大哉我國。卓立亞東。遠古以來。夙著雄風。孰意輓近。萎焉中落。列強環伺。我侵我略。振壓起衰。責在吾輩。投袂而起。激昂慷慨。

十八年廢歷元旦試筆

元且發筆。萬事皆吉。國運昌隆。卓然獨立。雪恥復仇。十年路日。豈爲侵陵。聊鬱猖獗。敬遂斯願。端資羣力。喚起民衆。萬矢一的。奔走呼號。焦唇敝舌。艱難非笑。視若無物。愈挫愈奮。不撓不屈。有志竟成。勝算可必。山移巖公。隄潰蟻穴。繩勒斷柱。水滴穿石。精誠無間。成功之訣。三戶亡秦。何況大國。包胥復楚。勾踐興越。有爲若是。胡爲自屈。安富尊榮。丈夫不屑。偷生苟活。其人可殺。志士懷抱。與世迴別。勉爲大事。度越前哲。天其相予。完茲偉業。旣歌且舞。雄心勃勃。猗歟盛哉。慷慨壯烈。

贈吳木蘭

秋俠之徒。吾黨之傑。革命情緒。向稱熱烈。持志堅毅。操行高潔。勿謀榮利。罔憚挫折。愧死鬚眉。矜式巾國。無以名之。名曰女俠。

贈魯滌平

繫維我韓。久陷深熱。哀鴻遍野。待援孔切。惟公藹如。良用疚心。昕夕綢繆。關懷殷殷。臨歧作別。他無所言。逕懇我公。速解倒懸。

東北民衆報出版祝詞

白山黑水。實爲天府。肘腋夷戎。鷄張逼處。陸有封豕。海有長蛇。鷹食上國。舞爪張牙。我有異軍。颯然突起。毛瑟十萬。用固吾圉。雪彼洪鐘。震聵啓蟄。蹴起睡獅。奮爲雄。掃蕩東瀛。澌清朔漠。以遏強暴。以扶小弱。鎖鑰長城。惟茲是賴。偉績豐功。拭目以待。

題焦山觀瀾閣文信國公手卷

十九年八月

繫維我公。萬世之雄。凜凜大節。耿耿孤忠。正氣浩然。塞乎天地。不屈不撓。成仁取義。邁雖不敏。忝同梓里。緬懷英風。高山仰止。竊不自度。憂同杞人。劇心惕目。欲振國魂。內擊羣小。外劃列強。益挫益奮。愈抑愈揚。茹含苦辛。胡爲乃爾。處心積慮。

。復仇雪恥。鬱鬱四不。毫無所求。志公之志。憂公之憂。側聞在昔。有志竟成。有爲若是。勉示吾人。

醉後狂歌

生平最怕對明鏡。恐見頭上鬢有霜。蹉跎三十有六載。歎息事業仍渺茫。經濟未敢讓兩陽。澄清竊擬埒范滂。坐視虎豹遍八荒。眷懷子遺意悲愴。爲澆塢壘傾壺觴。酒酣耳熱醉欲狂。仰天大嘯問蒼蒼。知否斯民皆如傷。其將何術起膏肓。榮迴九折迫中腸。氣欲吐兮眉欲揚。勢撼山河何激昂。腰劍鐔鐔吐龍光。一縷直射斗牛旁。橫覽神州血玄黃。會將三尺掃殘搶。中宵起舞氣激昂。振臂一呼歌同行。

泛掉西湖有感而賦

附序

劉君祖雲約予與劉君陸民泛掉西湖。飲樓外樓。樓主備有題詠冊。酒酣耳熱。兩劉郎慙慙手再振筆賦此。

嗟萬方之多難兮。神鬱鬱而不怡。瞻粵轡之擾攘兮。愈愴然而生悲。徒消極其無濟兮。僅有奮門。奔走呼號兮。爭先恐後。豈好勞而惡逸兮。厥責應爾。倘苟且而儉安兮。實爲奇恥。樂疲憊之餘兮。容與西湖。放言高論兮。吾懷乃舒。引吭狂歌兮。我輩曷之。撥亂反正責無旁貸兮。願一的以其趨。聞有志者事竟成兮。古之人不予欺。

放棹彭蠡泊康郎山有感而歌

發章貢兮趨鄱陽。中流停棹兮泊康郎。登高樓兮望八荒。大哉彭蠡兮何汪洋。瞻波濤之浩瀚兮。官神龍之所藏。惟壯士其猶龍兮。洒甘霖而澤萬方。彼蚯蚓之不相容兮。咸嫉忌而思中傷。龍以神而莫測兮。遽愈抑而愈揚。欲登斯民於衽席兮。尚有賴於默相。矢志不渝兮。何用不臧。精誠所感金石且爲之開兮。矧彼蒼蒼。

附遊彭蠡康郎山忠臣廟記

夫廟以忠臣名。見及每存鄙視。緣在昔君主專制時代。梟雄崛起。宰制羣倫。所持以牢籠一世者。生則糜以爵賞。死則誘以祀事。所謂忠臣。不過一姓忠實之家奴。於吾民族無與也。惟茲之所祀。則異是。雖其所忠者。仍不外爲朱氏一姓之主。然驅逐胡元。光復漢室。功在國家。俎豆千秋。不爲過矣。今各帝國主義者。以種種不平等條約。橫事侵陵。國幾不國。心竊痛之。予不自揣。欲繼諸公之志。將其摧毀。頻年以來。奔走諸省。宣傳撤消領事裁判權。北抵遼瀋。南極三湘。嗟音堵口。罔問祁寒。比來漸有成功之望。度亦諸神所式憑也。是年二次回贛。在省垣各校演講。勗國人促成法治。以爲收回法權張本。聽者奮興。羣小以爲侵已也。啣之刺骨。欲不利於予。予固素主息內爭以事外競者。置弗與較。乃由章門賈扁舟直趨都陽。擬出九江之上海。舟次康郎。攜族姪漢鍾瞻禮等。因將諸公逐胡元壯史詳示。而勉其爲國盡瘁。漢鍾謹受教。頃之住持明相。偕江西水上公安局第四隊第六分隊長。南昌鄧作斌至。招待甚虔。並導觀懷忠教樓諸勝。憑窗遠眺。心曠神怡。萬頃湖光。歷歷悉呈目下。何其壯耶。所惜者。凌亂腐穢之

餘。復無花草竹樹以稍加點綴。實爲遺憾。因再三切勸明相僧。方圖整理。倘有需助事於予者。予甚願助之。鄧亦表同情。允竭全力。以觀其成功。果如是。則彭蠡浩渺之中。將見蓬萊突出。豈第行旅之所樂聞。抑亦諸公所默佑歟。言已明相出紙筆索書數語。以留紀念。爰述其顛末如此。並爲之歌。

贈常州某君聯

挺身担黨國。拔劍掃侏儒。

贈武進縣公安局長李冷聯

明恥教戰。掃穴犁庭。

贈武進縣朱縣長聯

忘懷溫飽。眷念瘡痍。

贈武進縣徐光五科長聯

惟勤惟慎。毋怠毋荒。

贈武進縣黃小癡科長聯

殷憂啓聖。危難興邦。

贈武進商會主席郭次汾聯

望繼汾陽澤。希追克氏風。

編者按 克氏即英商人克萊武。滅印度者此人也。其帝國主義之手段固不可師。然其愛國心與作事之毅力可法。吾國商界能有此人耶。

贈徐九思先生聯

愛家先愛國。革命必革心。

贈句容縣黨部常委謝應徵君及某君各一聯

(一)雄風吞島國。浩氣振寰球。

(二)愛讀出師表。嘗吟正氣歌。

贈武進縣婦女協會常委居範時及張靜芳等女士各

一聯

(一)化除巾幗氣。振起丈夫風。

(二)若安今何在。木蘭足爲師。

(三)願意追秋瑾。希望繼羅蘭。

贈陳子雲聯

乘風破浪飛東海。擊筑狂歌入狩川。

賀日皇登極聯

冠裳海國。薪胆神州。

附跋

大日本天皇陛下。年來備承懷策。稍有血氣。能不感奮。乘祝榮典。用達銘私。維陛下留意。(上款)

新中國大國民江西餘江吳邁謹賀(下款)

贈江西省主席魯滌平二聯

(一)兼聽則明。偏聽則暗。

(二)有欲則餒。無欲則剛。

贈漢口日領河清野聯二

煮豆燃箕殊拙計。釋嫌修好乃良圖。

親善毋徒憑口舌。存榮端賴互提攜。

贈六合洪縣長聯

吳邁叢書之一

法曹孤鶴。濁世清流。

贈句容縣某君聯

陶侃運甓志。祖逖擊楫心。

題焦山枕江閣

長江久已稱天塹。番舶胡爲入奧區。

題焦山自然庵

萬里長江流日夜。一根砥柱障乾坤。

題焦山觀音崖

地迴天高開眼界。水光山色接成閩。

題焦山觀瀾閣

橫觀江流何壯闊。正對象麓更雄奇。

題無錫錫山龍光寺

湖山雖大好。家國憾亂離。

贈無錫縣部闕仰虞聯

清操師彭澤。舊屬法中山。

題武進清涼寺

高方皆水火。一寺獨清涼。

題焦山別峯庵

萬古江流洶浩蕩。雙峯玉壘森森嚴。

杭州西湖岳墳石門楹聯

正邪自古同冰炭。毀譽於今判僞真。

又三潭印月

冷眼看遊人攘攘熙熙有若鼎魚幕燕。驚心聞邊報耿耿逐逐無非封豕長蛇。

又平湖秋月

兩漿打翻湖上月。一篙攪破水中天。

又湖心亭

欲掬聖湖水。用滴上國羞。

題首都五洲公園

慷慨睨三島。縱橫踐五洲。

又題鷄鳴寺

一聲驚破五洲夢。千載長留六代風。


又題掃葉樓


樓靜掃葉懷高節。地號蟠龍起壯圖。

又題莫愁湖

清高節彭澤。齊門法中山。

吳通叢書之一





版權所有
翻印必究

中華民國二十年十月初版

吳邁文集(全一冊)

每冊定價大洋四角

外埠酌加郵費匯寄

著者 吳邁

編纂者 劉遠麟

校對者 劉敬民

出版者 三五印書館

分發行處 各大書店

122

13

